

Hose Figaroa:

Aruba mester cuminsa pensa caba riba regulacion di trabaonan digital

ORANJESTAD (AAN):

“Bo no tin cu warda necesariamente riba un Convencion di International Labor Organization (ILO) pa bo tuma paso”.

Esaki segun presidente di FTA Hose Figaroa kende a splica cu Union Europeo ya caba tin nan ‘guidelines’ cu a wordo traha caba riba trabaonan cu ta wordo dirigi digitalmente.

Figaroa a splica cu paisnan manera Mexico, Chile y Argentina cu tambe a pas legislacion local caba pa regula esaki.

“No ta necesario pa warda te ora cu ILO saca un guideline pa bo wordo obliga na tuma e pasonan aki, pero di experiencia nos sa si cu aki na Aruba registracion ta tarda”.

Nos tin convencionnan fundamental di ILO cu Aruba te dia di awa no a aproba y ratifica, segun e presidente di FTA.

El a sigui bisa cu no mester warda riba ILO pa tuma e tipo di pasonan aki, pues nos por cuminsa caba for di aworaki pa regula e tipo di trabaonan aki.

Segun Figaroa, aki na Aruba te na e momentonan aki e no a sosode hopi pero tecnologia ta avanzando quizas hopi mas lihe cu nos mes ta kere.

“Si ami bay online y mi ofrece por ehempel un trabao di diseña algo, eynan tambe ta trabaonan a base di plataforma”.

Por ehempel e plataforma Fiverr ta uno riba cual yen di hende ta haci trabaonan individual y Fiverr ta asigna na nan e trabaonan via nan plataforma, segun Figaroa.

El a sigui bisa cu e tipo di cosnan ey porta ta hopi mas cerca pa nos cu nos ta kere y e hecho cu esaki no ta tuma lugar hopi na Aruba, no ta pone cu na Aruba nos no tin cu cuminsa pensa pa regula e tipo di relacionnan aki.



Parlamentario di PPA

Otmar Oduber ta existi accion y no solamente promesa riba bodycam, formacion y husticia

• *Un panorama preocupante cu no tin bodycam ni training cu arma*


Buki di ‘Capital Humano... entre Buki y Arte’ entrega na Prome Ministro

ORANJESTAD (AAN):

Señora Astrid Britten a duna sr. Eman un regalo special. Diasabra ultimo Minister President, sr. Mike Eman y su señora Doinatabatanabiblioteca pa e diploma uitreiking na e participantenan di e curso ‘dominio di idioma Papiamentu’. Señora Astrid a entrega un ehemplar di e catalogo titula ‘Capital Humano ... entre Buki y Arte’ na pareha Eman.

‘Capital humano’ ta duna un bista riba e obranan di arte cu ta forma parti di e coleccion nacional di biblioteca y ta ofrece un biahe den imaginacion y talento di diferente artista local. Un coleccion di cuadro, escultura, mixed media, mural art y cada obra ta conta un storia. Un coleccion di obra cu ta instala den espacio publico pa un y tur por wak, pa bishitante di tur edad.

Señora Maria Teresa



Madariaga a traha hunto cu diseñador grafico y fotografo sr. Dennison Abrahams. Directora di Biblioteca Nacional Aruba, señora Astrid Britten, ta presenta e publicacion cu orguyo.



Ivo Valdes di OPPA:

Pensionadonan rond Aruba ainda wardando Gobierno paga nan dos aña di Gelijkbedrag

ORANJESTAD (AAN): Algun tempo pasa, Organizacion di Pensionadonan Publico Arubano (OPPA) a manda un carta pa Gobierno, debi cu ainda pais Aruba debe e pensionadonan, dos aña di 'Gelijkbedrag', esta mitar. Pues tin un Gelijkbedrag completo cu tin di haya di e dos añanan cu a kort-in.

Esey ta loke Ivo Valdes, kende ta dirigi Organizacion OPPA a indica, y el a agrega

cu te ainda e no a haya contesta di Gobierno.

Siman venidero, OPPA tin pensa di bolbe manda carta pa check kico Gobierno ta contesta of no.

E president di OPPA a elabora tambe cu pensionadonan a ricibi solamente 250 Florin extra riba e pensioen di AOV, y manera nan ta bisa, cu priminti ta mas cu debe. Costo di bida aworaki ta enorme pa pensionadonan, y productonan den

Supermarket ta impagabel. Pesey bo ta haya hende ta busca comestibel di mas economico, como cu esey ta loke nan por paga. Na opinion di Valdes, tur esey tin di cambia.

E problema cu tin ta cu den Gobierno mes ainda nan no por keda cla cu nan asuntonan, y pueblo no sa ki ora ta yega un fin na esey. Ohala cu Gobierno por fix nan asunto interno pa caba, pa asina por atende cu asuntonan di pueblo mas



rapido posibel y duna prioridad halto. "Pasobra nos grandinan no por warda mas te ki ora bo kier duna nan loke nan mester, pasobra ora ya nan a bay sosega, ya ta laat," Ivo Valdes a finalisa bisando.

Parlamentario Dangui Oduber:

Minister Wyatt-Ras no kier contesta si lo paga dunadornan di cuido indexering di 11.7%



ORANJESTAD (AAN): Ta casi 1 luna pasa cu Parlamentario sr Dangui Oduber a haci varios pregunta na minister Wyatt-Ras referente e pago di indexering di 11.7% na dunadonan di cuido. Ainda Parlamentario Oduber ta pendiente di e

contestta. Fraccion di MEP a haci mas di casi 800 pregunta na gobierno y ainda nos ta en espera di e contestanan. Gobierno tin un meta, haci, deshaci y stroba Parlamento di haci su trabou y sconde informacion pa pueblo. C o m o

minister saliente di salud publico nos a manda un instruccion pa AZV cumpli cu e pago di indexering pa tur personal di cuidu. Nos gobierno a percura pa duna indexering di 11.7% na tur empleado publico y nos ta kere cu awor cu tin espacio financiero e ta mas cu husto y na su lugar pa minister Wyatt-Ras percura pa e decision aki wordo ehecuta. Ta spera cu minister Wyatt-Ras no cambia e decision manera cu e la haci cu e lista positivo di remedinan caminda awor keto bay tur hende mester paga pa 92 remedi.

Nos mester por bala nos personal di cuidu, nos tin cu duna nan e respet y nos tin cu percura pa nan tin un salario husto. E no ta un trabou facil y nan ta esnan cu specialmente durante pandemia a traha bao di un presion enorme. Awe cu tin placa, awe cu tin surplus di 106 miyon florin ta mas cu na su lugar pa duna tur personal di cuidu e mesun indexering cu empleadonan publico

a haya. Tambe nos a laga traha un rapport pa asina percura pa specialistanan tambe wordo duna un miho compensacion y ta spera cu esaki tambe wordo cumpli cune.

Ta un falta di respet cu ainda minister Wyatt-Ras NO a contesta ningun di e preguntanan cu a wordo haci na dje como tampoco a duna claridad si dunadonan di cuidu lo ricibi nan pago di indexering di 11.7%. Nos ta exige claridad di parti minister Wyatt Ras, no por ta asina cu AZV ta landa den placa

y ainda NO kier paga indexering di 11.7% na esnan cu ta duna e cuidu.

Nos a laga tur cos cla atras pa minister Wyatt-Ras y nos ta spera cu e cumpli cu e decision y percura pa duna indexering na tur personal di cuidu. No por tin ningun motibo pa NO duna nan e indexering aki! Nos ta pidi minister Wyatt-Ras pa pone un fecha pa tur esnan den cuidu medico ricibi nan indexering di 11.7% cu nan merece. 'Ki dia nan ta haya nan pago?', Parlamentario Dangui Oduber ta termina bisando!



Peticion pa aprobacion di un plan di parcelacion

na Mahuma conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na DIP,

Sabana Blanco 68, cu reserva di tur derecho cu cambianan por wordo hasi na e parcelacion, durante un luna desde dia **25 juni 2025** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

Otmar Oduber ta exigí accion y no solamente promesa riba bodycam, formacion y husticia

• *Un panorama preocupante cu no tin bodycam ni training cu arma*

ORANJESTAD (AAN): E siman aki durante e vragenuur intenso di Parlamento, Otmar Oduber, di fraccion PPA, a expresa su preocupacion riba varios deficiencia den funcionamiento di nos Cuerpo Policial, sistema di husticia y cuido di orden publico. Di bodycam, training cu arma, te sesion di psicologo den Cuerpo Policial Aruba, Otmar a pinta un panorama preocupante.

Tres Presupuesto pero 0 bodycam: Segun Otmar, a pesar di promesa y aproba 3 presupuesto pa implementa bodycam pa polis. Ultimo mes fraccion di PPA a presenta un mocion den presupuesto pa pone placa pa e cos aki,


pero e parlamentarionan di coalicion a vota contra, ya cu segun nan ya esaki ta poni den Plan di Gobierno y awor e minister en cuestion ta indica cu mester di fondo. "Bodycam ta un herment importante pa proteha tanto polis como pueblo. Ta keda hunga politica cu e topico aki y comunidad ta esun cu ta bira victima," el a vocifera.

E confirmacion di Minister Dowers cu no tin niun proyecto andando, y cu e sa si, ta cu tin algun camara cu a cumpra, pero nada mas y cu Dashcam ta algo cu, segun minister Dowers, e por implementa mañan mes, pero mester di fondo. Otmar ta haya cu henter e situacion aki di



bodycam y dashcam uno masha lamentabel. Especialmente mirando con e mundo moderno cu nos ta bibando den dje, unda cu un bodycam ta hasta un proteccion pa e agente policial y ta duna siguridad na nos comunidad. Pues nos ta den overtime cu e asunto di bodycam.

Deficiencia di training di tiramento cu arma: Un otro punto cu Otmar a highlight ta, su preocupacion cu unabes un polis caba su estudio como polis na Scol di Polis, parce cu su formacion a caba y no ta sigui haya training continuo con ta anda cu arma.



Esaki sigur ta algo fundamental cu falta y segun e minister, nan lo bay traha riba dje tambe.

Evaluacion Psicologico y Drugtest: E falta di sosten y sesion psicologico y implementacion di drugtests ta dos otro punto di preocupacion cu Otmar Oduber a subraya y cu mester haya su atencion. Minister Dowers a haya esaki un bon idea, mientras cu esaki tabata un mocion cu e minister e tempo ey mes a firma den pasado.

E bon di e asuntonan aki, specialmente esun di test di droga ta cu, Sindicato di Polis (SPA) mes ta para tras

di dje pa introducie mas pronto cu ta posibel. "Mi a hasta indica cu ta bon pa cuminsa cu nos mes, pues unda tur cu tin un funcion di autoridad peculiar den nos comunidad, tambe haci un test di droga," Oduber a enfatisa.

Oduber ta spera cu den e presupuesto supletorio, minister Dowers presenta tur esakinan bek y cu tur parlamentario bay di acuerdo cu e mocionnan un biaha mas y pa nos cuminsa realisa cu accion y no solamente cu palabra. Husticia no ta un luho, e ta un derecho.

Polis di Aruba ta adverti demas doñonan

Diripiente tin hopi ladronicia di motorcycle di marca AKT



ORANJESTAD (AAN): Cuerpo Policial Aruba a tuma nota cu recientemente tin un tendencia pa loke ta trata hortamento di e brommer marca AKT.

Pesey Cuerpo Policial kier concientiza comunidad, y personanan kendenan kizas tambe tin un di e brommernan aki pa tuma bon nota di esaki y como mensahe di prevencion pa pone extra seguridad pa evita cu bo brommer wordo horta.


Con pa stop ladronicia Esaki door di pone por ehempel: un bon candal, un klem na e stuur, of instala un GPS-tracker y of alarma.

Paga bon atencion na unda bo ta parkeer bo brommer. Por ehempel: pare na unda tin suficiente luz, pone bo brommer na cadena cu slot na un objeto cu ta dificil pa move y bay cune.

Otro tips extra ta no laga bo yabi na unda cu ta. Percura pa bo saca foto di bo brommer incluyendo e serienummer. Esaki ta pa si acaso e wordo horta bo por mustra polis.

Cuerpo Policial lo keda informa y conscientisa pueblo pa ta mas alerta pa tipo di actonan asina.

Tormenta Tropical Andrea a nace meymey di Oceano Atlantico



ORANJESTAD (AAN): Diamars mainta 11'or, e prome Tormenta Tropical di temporada 2025 a nace. E momento ey su centro tabata na 36.6° Nort y 48.9° West.

Tormenta Andrea ta moviendo rumbo Oost-Noordoost cu 28 km/h, y e lo sigui move asina pa awe tambe, te ora e stop di existi.

Biento maximo sosteni ta cerca di 65 km/h, y tin algun rafaga mas halto.

Segun National Hurricane Center, awe

Diaranson e lo no bay haya mas forza, pero mas bien lo cuminsa debilita di ayeranochi caba. Pa awe Diaranson anochi, e pronostico ta cu Andrea lo disipa y 'desaparece' completamente.

Andrea ta formando peligro pa ningun pais, y ta djis un situacion cu nabegacion tin di tene cuenta cune.

Pa resto di Atlantico y tambe Lama Caribe, no tin ningun Ola Tropical pa raporta.



Cuminsando cu 4 florin, bo por gana e suma grandi aki

Afl.

170.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Situacion mundial actual ta e reto mas grandi di derecho di expresion

Prensa mudo no ta prensa liber pero lectura!

• *Cuanto inocente ta muri awe y periodismo mundial ta ignora?*

• *Prensa mester analisa y legalmente splica loke ta alcanza Pueblo*

ORANJESTAD (AAN):

E trabou di periodismo a nace for di e derecho di expresion, cu no tabata basa riba e haltura di salarionan cu por gana y importancia social di periodista, pero ariba e defensa di hende y mundo na prome lugar.

Ora papia di derecho di informacion, e calidad y motibo di informacion ta bini dilanti sigur na un mundo cu a conoce progreso y ta entrega periodismo diariamente mas arma pa por defende e valor di e ser humano debidamente.

Si mira atras den ultimo decanan, por tuma nota con periodismo cu tecnologia moderno a ricibi tur loke e mester, pa lanta para y defende e bienestar di hende, di bida humano, na prome lugar.

Si antes buskeda di informacion tabata mara na actividadnan y trabou cu tabata exige lo maximo den investigacion y produccion di informacion, awe periodismo por haci uzo di e avancen modernu cu directamente ta entrega e periodista e informacion cu e mester pa e por sigui amplia y sigui traha na interes di hende, si e kier yama su mes periodista.

Awe mundo a drenta un etapa cu ta exige di periodismo pa defende bida di hende den tur fase.

E prome teritorio cu mester di defensa di periodismo na Aruba ta Aruba mes y tur Arubiano.

E periodista tin e deber pa sigura cu e tin conocemento amplio di leynan local y internacional, cu ta regla e bienestar di e ser humano di momento cu e nace te e momento cu e muri.

E periodista mester conoce historia di mundo y di un pais, pa e por stipula con e

ta sirbi e interes pa medio di informacion cu ta den su man.

Di e forma aki e periodista ta garantisar imparcialidad di prensa cu no ta basa riba e pensamiento falso cu tur hende por uza prensa pa sirbi nan proposito.

DIARIO awe por mira Pueblo di Aruba den su cara pa e forma cu DIARIO continuamente a bati y ta sigui bati alarma cu informacionnan concreto encuan to desaroyonan mundial, cu ta mishi cu e bienestar basico di e Arubiano manera historia di Aruba a demostra y manera leynan di e pais a atende pa asina preveni repeticion pero tambe situacionnan nobo cu ta pone bienestar di Aruba na prueba.

Kico periodistanan mes ta aspira pa Aruba y pa mundo? Esaki mester bini dilanti awe mas cu nunca den e splicacion cu ta duna Aruba di e loke ta pasa den un mundo, cu a bira un poz di dolor pa e ser humano.

Awe periodismo mundial mester protesta e sufrimento di muchanan inocente cu ta wordo mata na dozijn den gueranan cruel cu no ta haya e atencion cu e merece.

E situacion mundial actual ta afecta turismo. Mester bay tras di pantaya pa informa Pueblo debidamente pa e comunidad ahusta su mes loke ta tuma tempo.

Periodismo ta hunga un papel central como informador imparcial y liber di Pueblo na tur momento.

E hende na Aruba ta bini na prome lugar den un mundo cu ta lubida cu hende tin balor manera gueranan desastroso na Ukraine y na Medio Oriente, claramente ta demostra.

Cada hende cu muri ta un



hende. Cada hende cu sufri, ta un hende, pa cual periodismo cu tur e hermentnan grandi na su disposicion, tin deber di defende.

Periodismo continuamente mester duna prueba cu e ta vigila leynan basico di Aruba mescos cu e sistema democratico di e pais, cu e mester conoce pa asina asegura cu gobernacion di e pais ta basa riba buskeda di e bienestar di cada ser humano y no elevacion di hende den puesto y cu placa di Pueblo di e pais.

Awe informacionnan di periodismo mester bay profundamente den tur loke ta mishi cu Aruba y lanta para contra e forma cu hende ta dehumanisa y

ta perde su valor den un guerra den cual produccion di arma ta bira e mihor negoshi mundial.

Den e relacion den Reino por mira con e necesidad di armamento ta afecta e sumanan cu tin na Hulanda y den Reino, pa bienestar di e ser humano cu financieramente ta wordo perjudica door di e necesidad di arma pa su defensa.

E situacion actual mundial y local ta un reto pa periodismo, cu no a wordo introduci pa crea un gremio cu informacion di Pueblo ta haci importante, pero pa asegura cu bon informacion ta duna contenido na e importancia di bienestar di Pueblo.

Awe pa prensa sirbi su derecho di existencia, e mester ta e voz internacional for di cada pais, cu ta lanta para contra destruccion di hende mientras negoshi di arma y guerra ta produci placa.

Prensa mester exige un masterplan basico con Aruba ta proteha den tur sentido, con Arubiano lo bolbe for di exterior!

Prensa mester halza su voz y cu pruebanan historico y investigacionnan profundo, protesta contra e perdida di balor di hende, cu prensa mester defende na prome lugar!

Finalmente ta keda un hecho cu Prensa mudo no ta prensa liber!

Awo tin 1.500 video di Fuhikubo riba coleccion.aw

ORANJESTAD (AAN): Un total di 1.500 video di Fundashon Histórico Kultural Boneriano (FuHiKuBo) ta riba e plataforma digital, www.coleccion.aw. Esaki ta resultado di un cooperacion cu a bira realidad entre FuHiKuBo y BNA, den cual Peter Scholing di BNA y Edric Croes di Archivo Nacional Aruba (ANA) ta hunga un papel importante.

Loke FuHiKuBo no por a logra riba su mes a bira realidad danki na un cooperacion cu Aruba.

Pa FuHiKuBo esaki ta un paso importante, segun Bòi Antoin, presidente di e fundashon aki, cu tin casi 27 aña caba trahando pa salvaguardia patrimonio cultural Boneriano, tambe dunando aporte na otro otro islanan cu grabacion di nan hende grandinan.

E proceso pa pone produccionnan di FuHiKuBo riba www.coleccion.aw a cuminsa algun aña pasa, pero na luna di april a conoce un aceleracion, momento cu Bòi Antoin durante un bishita di trabou realisa

na Aruba a entrega un 'external hardrive' cu un cantidad di 2165 programa Herensia 'Aki Boneiru' y documental na Peter Scholing y Edrick Croes. Ainda falta pa 'upload' masomenos 900 video riba www.coleccion.aw.

Pues gradualmente tur hende interesa pa mira e produccionnan audiovisual di FuHiKuBo por haci uso di e siguiente linknan pa yega direct na nan: <https://coleccion.aw/fuhikubo> òf coleccion.aw/herensia.

E potret ta muestra



recien ora cu Boi di 'Herensia' na Peter Antoin a entrega un Scholing y Edrick Croes hard disc drive externo di Biblioteca y tambe cu 2.165 produccion Archivo Nacional.

HAVA ta informa:

Cobertura pa remedinan pa drumi y ansiedad lo keda temporalmente vigente



ORANJESTAD (AAN): HAVA (Asociación di Dokternan di Cas) a duna claridad riba un ahuste implementa recientemente den e polisa di cobertura di remedi di AZV. Esakinan ta referi, entre otro, na remedinan manera pildonan pa drumi y ansiedad, cu hasta awor tabata cubri bou di cierto condicion.

AZV tabatin planifica pa exclui e remedinan aki for di su cobertura a partir di 1 di juni 2025. Sinembargo, esey a resulta den confusion tanto na banda di aseguradonan como na boticario y profesional di salud.

Como consecuencia, AZV a opta pa prolonga temporalmente e cobertura aki pa e remedinan menciona, siguiendo e criterio ya estableci, durante un periodo di transicion cu ta keda vigente for di 12 di juni te 30 di september 2025.

HAVA ta enfatiza cu esaki ta un medida provisional. Un ahuste final den e polisa di cobertura lo drenta na vigor dia 1 di october 2025.

HAVA ta recomenda e aseguradonan pa tuma nota di e fecha importante aki y haya informacion cerca dokter di cas si tin duda.

LUNA DI LOCURA

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO TE CU 30 DI JUNI

lotto
Cambiando bida...

f X y i
www.lottoaruba.com

Atencion dirigi riba planeamento ora cu tin hopi barco crusero den waf



ORANJESTAD (AAN): Den un entrevista cu Jennifer Arends-Reyes di Fraccion di AVP, kende ta e President di Comision di Turismo di Parlamento, a papia riba con druk e area di Playa ta bira ora cu tin hopi crusero den Waf Oranjestad.

Aki ta unda cu ‘planning’ ta hopi importante! Segun su conocimiento, Arends-Reyes a splica cu hopi barco

crusero ta planea pa nan yega Aruba den oranan di mainta, pa asina nan pasaheronan por goza di nan dia na e isla.

Bishita di cruseronan na Aruba tambe tin nan parti di High-Season y Low-Season, y naturalmente den e parti di planning aki, no ta tur ora ta haya cu tur barco por keda den dia. Tin barco cu ta yega Waf den atardi, y e ora nan ta “pasa anochi” na e isla, y sa

pasa den fin di siman.

El a indica cu den bon cooperacion cu comerciantenan den area di Waf, nan ta habri pa atende pasaheronan. Pero ta yega un punto cu no por ricibi tur barco pareu debi cu e por ocasiona otro tipo di congestion.

Hopi planning di High-Season, mayoria compania crusero ta trata pa nan djis



keda di mainta te atardi of anochi.

Jennifer Arends-Reyes ta kere cu tin di bay sinta hunto cu tur stakeholders, incluyendo comerciantenan na Playa y tambe operadornan di Arutram, pa asina bin cu bon comunicacion den parti di planning. Si sa di antemano caba ta cua barco ta poni riba schedule pa bishita Aruba, sigur e cooperacion lo por tey di tur banda. Comision di

Parlamento tin di bay bishita Aruba Ports Authority ainda pa haya sa nan input riba planning pa cu e parti aki. Tin biaha sa socede cu ora tin problemanan internacional cu dificultadnan geo-politico, e por reduci cantidad di pasahero den barconan. Pero te ainda booking abordo di barconan rumbo pa Aruba ta mustra stabil, pero toch lo kier sa con tur esaki lo por bay impacta Aruba.

Obra ‘Coronando’ a ser entrega na biblioteca

ORANJESTAD (AAN): E conocido artista visual, Alida Martínez (Alida Martínez Soto, 1964), ta regala Biblioteca Nacional Aruba un obra titula ‘Coronando’. Esaki ta pa biblioteca su exposicion permanente y publico. Alida ta artista contemporaneo y e tin su Studio na Paradera. Alida ta conoci pa Mixed-media installations, scultura, collage, dibuho y cuadra. Alida a participa na hopi exposicion y tambe dos biaha na e Biennal di Havanna. Alida Martinez a funda ‘INSIGHT Foundation for the Arts’ na Aruba na 2006 y Alida ta Co-iniciador y presidente di e ‘Aruba Contemporary Caribbean Art Biennial 2011-12’. Den su arte Alida ta explora e.o. su identidad como artista y hende muhe, cultura, refleho riba



situacionnan social den contexto Caribense.

E obra ‘Coronando’ ta refleha situacion Geo-politico den Caribe y

mundial. Alida ta expresa “Te na unda e ‘poder’ lo hiba nos un pueblo, nos isla, region di Caribe como tambe paisnan



mundialmente. Y di ki manera esaki ta worde uza na bienestar di un pueblo y su economia.” Por lesa mas di Alida su carera

den buki ‘Arte; beeldende kunst van de Nederlandse Antillen en Aruba, pagina 120, parti di biblioteca su coleccion.

Minister di Salubridad Publico a entrega yabi di Laboratorio HOH na directiva di Hospital Dr. Horacio Oduber



ORANJESTAD (AAN): E siman aki, Minister di Salubridad Publico, drs. Mervin Wyatt-Ras, acompaña pa Prome Minister, mr. Mike Eman, a haci un bishita oficial na Hospital Horacio Oduber (HOH), na unda a tuma luga e traspaso simbolico di yabi di e Laboratorio nobo di HOH, for di Gobierno di Aruba pa man di directiva di Hospital.

Durante e acto, Prome Minister Mike Eman a pone enfasis riba e vision strategico di su gabinete durante añanan anterior, den cual a identifica e necesidad urgente pa renoba y amplia e facilidadnan medico di Aruba. Cu un poblacion den crecemento y un hospital cu tabata enfrente deterioro, a considera diferente opcion, incluyendo construi un hospital completamente nobo na un sitio mas central riba nos isla. Pero, despues di un evaluacion profundo di infraestructura y facilidadnan existente, y su posicion strategico pa local y turista, a tuma e decision visionario pa renoba y amplia e hospital.

Prome Minister a enfatisa cu Gobierno di Aruba tabata wak mas leu, mirando un Aruba cu no solamente hotelnan di cinco strea pa e turistanan,

pero tambe un sistema di cuida medico di cinco strea pa nos hendenan. Tempo cu a inicia cu e proyecto aki, Minister Richard Visser y despues Minister dr. Alex Schwengle, a mira e balor di e vision di Gobierno cu tabata mira mas leu cu un Aruba cu hotelnan di cinco strea pa nos turistanan. Cuido medico, tambe mester a bira di cinco strea y e vision aki a forma e base pa e inversion pa eleva no solamente nos hospital sino cuida medico na nivel di cinco strea.

Minister Wyatt-Ras a expresa su profundo gratitud na directiva di SOGA pa e rol crucial den supervision di e proyecto di expansion, durante un trayecto cu a dura mas cu dies aña, confrontando varios obstaculo, pero cu perseverancia a yega na un final exitoso. E traspaso di laboratorio HOH ta representa un paso final importante na caminda pa e gran apertura dia 27 di september proximo, na unda oficialmente lo corta cinta di nos hospital completamente transforma.

Minister Wyatt-Ras a recorda cu durante su temporada den Parlamento,

hopi parlamentario tabata cuestiona e opinion di Wyatt-Ras, cu Aruba su hospital lo bira un joya den Caribe comparable cu e miho hospitalnan na Merca. Awe, e minister ta confirma esey personalmente, y ta orguyoso di e transformacion cu Aruba a logra.

Prome Minister Mike Eman a haci un comparacion entre e hospital bieu y e facilidad moderno di awe. Pa Prome Minister e hospital bieu tabata refleha un situacion di un pais den desaroyo, sin mucho privacidad pa pashent y cu limitacion pa e personal medico por funciona debidamente. Awe, Aruba tin un hospital moderno, y ta duna cuida medico di calidad, humano y digno.

Aruba por ta orguyoso. E entrega di e laboratorio nobo no ta solamente un acto simbolico, pero un testimonio di un vision, planifica y realisa pa Hospital Dr. Horacio Oduber. Na unda oficialmente lo corta cinta di nos hospital completamente transforma. Minister Wyatt-Ras a recorda cu durante su temporada den Parlamento,



MAESTRO BENJAMIN



Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar,

- E ta kita bruheria, hechizos, daños y tambe e ta dera maldicion y salamientos.
- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamiento pabo cu lo curabo den un tempo cortico. "Mi ta cura problema di addiction di droga y alcohol y mi ta recupera bo ser keru sin importa tempo of e distancia."

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo. Yama awe mes of manda un WhatsApp na 641-4186 pa traha bo afspraak.

cel/ 641-4186

No obstante tension geopolítico internacional

Minister Cicilia lo fortifica y inclui nos hendenan den e resultado di turismo

• Optimista cu desaroyo di turismo

ORANJESTAD (AAN): For di algun dia caba Minister di Turismo, Transporte y Labor, mr. Wendrick Cicilia ta tuma nota di algun comentario y consejo riba e crecimiento di turismo pa cu Aruba. For di oposicion, ta tilda cu turismo ta conociendo un caida mientras cu di organisacion manera College Aruba financieel toezicht (CAft) ta expresa nan preocupacion p'un posibel debilitacion den turismo pa e di dos mitar di aña 2025.

Minister Cicilia ta confirma cu turismo ta bayendo bon, berdaderamente tin algun desaroyo cu ta monitoreando di cerca, por ehempel e tension geopolítico, por ehempel e conflicto entre Israel cu Iran pero te cu awe, Aruba no mester ta preocupada. Aruba no tin un rol den e conflicto pero si lo por sinti e efecto cu tempo. Oficina di turismo ya a raporta cu a base di e ultimo pronostico, e cantidad di turista pa Aruba lo por mustra un subida di minimo 5% na fin di aña 2025 pa cu 'stay over arrivals'. Pa tur region ta mustrand un crecimiento compara cu 2025, pues Merca, Latino America y Europa.

Aruba Tourism Authority (ATA) a indica cu e uzo di VISA a conoce un aumento di 8.8% compara cu e prome kwartaal di 2024. Segun ATA, e aumento ta representa un subida di 7% den cantidad di cardholder. No por laga afo cu e gasto di e usuario di VISA na Aruba durante nan estadia a crece cu 1.9% compara cu e mesun periodo na aña 2024.

Den mesun rosea, manera indica anteriormente, na Aeropuerto Internacional Reina Beatrix tambe lo conoce algun cambio. Apart cu ex-CEO di aeropuerto, James Fazzio lo ta bek pa un periodo corto pa yuda resolve e situacion di fila largo, AUA Airport ya a anuncia introduccion di e sistema nobo di 'passenger flow control' pa tur pasajero cu lo biaha pa Merca. E cambio aki a drenta na vigor desde 17 di juni 2025.

Entre tur e bon noticianan pa nos isla, ta bon pa remarca cu Aruba tabata anfitrión di e Platinum Associate Membership Advisory Council (PAMAC).



PAMAC t' un conferencia caminda e ehecutivonan den e mundo di crucero a topa otro pa comparti vision y ideanan p'e destinacionnan rond mundo. Pa Aruba, e tabata un evento importante mirando cu ta despues di ocho aña a organis'e bek na Aruba. Nos a ricibi e oportunidad pa demostra kico mas Aruba tin di ofrece. Apart di e atraccionnan nobo, pero tambe e ultimo desaroyonan riba nos isla.

Siguiendo cu bon noticia pa nos turismo, nos ta refleha bek riba un grandioso evento di Ban Bek Caya caminda turismo a integra cu comunidad den un solo evento. Ministerio di Turismo ta comprometi pa sigui sostene tipo di eventonan asina den futuro, caminda nos comerciantenan local ta ricibi e plataforma pa exponer nan servicio y producto n'e publico presente. E proximo Ban Bek Caya lo e fin di siman aki, 27 di juni.

"Nos ta keda optimista pa e desaroyo di nos turismo, comunidad ya a expresa nan preocupacion di e cantidad di turista cu ta bishita nos isla. E idea ta pa sigui atrae e turista cu ta gasta mas riba nos isla pero esaki lo bay man den man cu e fortuna comparti. Nos hendenan tambe tin cu sinti e crecimiento den nan cartera. Mi vision di 'community-based tourism' lo fortifica y inclui nos hendenan den e resultado di turismo", asina Minister mr. Wendrick Cicilia a termina bisando.

Parlamentario Xiomara Maduro a presencia Vibracion Cultural na Centro di Barrio Noord



ORANJESTAD (AAN): Diasabra anochi Parlamentario Xiomara Maduro tabata presente na Centro di Barrio Noord pa asina disfruta y duna apoyo na e evento Vibracion Cultural cu ta forma parti e proyecto Barrio Unico.

E meta di Vibracion Cultural ta pa trece e bario

hunto pa asina den union disfruta di bon musica, cuminda, artesanía y ambiente unico crea door di nos localnan.

Vibracion Cultural ta wordo organisa pa CEDE Aruba den cooperacion cu e Centro di Barionan, ATA, UNOCA y colaboracion di Fonds Voor Podiumkunsten.



E evento a conta cu presentacion di varios talento local nobo cu a deleita e publico presente cu nan musica, cuminda y artesanía.

"Tabata bunita pa mira local y turista disfruta di e ambiente unico cu a reina den Centro di Barrio Noord. Nos ta spera cu pronto mas

barrio por haya e oportunidad unico aki di comparti e vibracion cultural di nan districto y nan centro di bario," ta palabranan di apoyo expresa pa Parlamentario Maduro cu tambe a disfruta di e dushi ambiente cu a reina durante Vibracion Cultural na Centro di Barrio Noord.

Parlamentario Otmar Oduber di PPA:

E famia di e hoben Ayden Lanoy y comunidad tambe merece claridad y husticia

ORANJESTAD (AAN): Parlamentario di fraccion PPA, Otmar Oduber, ta wak back riba e reunion di 'vragen- uur' di e siman aki den sala di Parlamento, uno fructifero cu Minister di Husticia en cuestion. Tabata trata di e caso tragico y lamentable di e hoben Ayden Lanoy y a pesar cu Minister Dowers, a duna algun contesta cla y directo, Oduber a expresa su gran preocupacion tocante falta di transparencia y comunicacion, specialmente di banda di Ministerio Publico.

Ministerio Publico den silencio total: "Ta imposibel pa sigui sin claridad," segun Otmar. "Nos no ta acusa niun hende, pero si e investigacion a termina, Ministerio Publico mester comunica cu e famia y cu nos comunidad. Si no ta paso nos tin e reunion awe den Parlamento, nos no sa mes cu e investigacion na Hulanda a keda cla y cu Hulanda a manda tur cos back pa Aruba."

E simpel echo cu nos ta



cuater luna despues y ta reina un silencio hermetico, ta solamente crea mas duda y dolor." Oduber a enfatisa, cu famia Lanoy a ricibi notificacion cu den 3 luna lo tin claridad, pero te awe, e famia no a haya nada.

Protocol di Comunicacion ta necesario: Otmar a expresa tambe cu el a indica cu tin un necesidad urgente pa bin cu un protocol di comunicacion entre Minister, Ministerio Publico, famia di



victima y comunidad. "Nos no por sigui crea un ambiente, caminda e pueblo ta sinti cu ta tapando algo, manera cu ta pasando den varios caso. Ken no ta corda riba e hobencita Zinnia Croes, cual fundacion tambe a acerca su persona, paso a pesar cu ta 10 aña pasa, e dolor y duda ainda ta reina no cerca e famia so,

pero tambe den comunidad. Husticia sin transparencia, no ta husticia," e conclui.

Pa fraccion di PPA, cu ta hibando e lucha aki for di comienso pa husticia y transparencia, tabata awe hopi cla, cu como parlamentario no ta cuestion cu nos mester djis papia, pero nos mester pone nos palabranan den accion

y tin un compromiso fuerte cu nos comunidad. E fraccion lo sigui busca contesta, insisti pa responsabilidad y propone solucion pa e caso aki haya tur claridad y no bay den olvido. Otmar ta cla: "Si a comete eror, tin cu haya consecuencia. Pero e pueblo y e famia merece berdad y contesta."

Sary Wernet-Kelly di Fundacion FAVI

Ocho cursista a participa den curso di masaje



basta bon. Di e total di 8 cursista cu a participa, 7 a logra y un ta haya e oportunidad pa bolbe pasa e examen otro siman. Y nan lo cuminsa cu e di dos parti, cu ta trata di sport massage, y despues nan lo cuminsa cu curso di relax massage.

Segun Wernet-Kelly, ta bunita pa menciona cu algun masahista cu a yuda nan

durante e curso como examinador ta hende local, cu tambe ta crea e oportunidad pa e clientenan di FAVI por traha cu nan. Esaki ta algo cu den su opinion, ta di aplaudi. E kier probecha y haci un yamada na comunidad, cu kisas tin un compania cu por bisa mi kier pa e hendenan di FAVI bin mi trahadonan un chair massage y nan por tuma contacto cu

nan pa haci esaki. Ta importante pa nan haya practica.

Wernet-Kelly a enfatisa cu e tipo di cursonan aki ta importante pa e clientenan di FAVI, pasobra cerca nan, 'sin bista bida no a caba'. Nan lo tin hopi mas curso na caminda y e ta spera cu mas hende den comunidad por yama y acudi cerca nan pa participa den e cursonan aki.

ORANJESTAD (AAN): — Sary Wernet-Kelly, Terapeuta di Rehabilitacion di FAVI, den un entrevista cu DIARIO a splica cu indica cu aña pasa FAVI un relacion di cooperacion cu Hulanda pa cuminsa cu e tramitanan pa e posibilidad pa crea un curso reconoci cu a siña personal cu tin limitacion di bista por haya un diploma como masahista. Actualmente esaki a bira un realidad y e kier a probecha pa gradici 'Game Night Girls', cu ta un grupo di dama hopi entusiasma cu a sostene nan cu e proyecto y a yuda FAVI recauda fondonan

di 8 mil florin, pa asina awe nan por realiza e curso aki.

E curso aki tin valides pa e clientenan di FAVI pa duna un oportunidad pa nan por logra un diploma y tambe ta crea e posibilidad pa trabao pronto, kieren e parti laboral por cuminsa y tambe ta e funcionamiento di nos bida diario. Esaki tambe ta un estimulo pa nan futuro. Esaki ta e direccion cu FAVI tambe kier bay aden.

E prome grupo a haci nan prome examen, cu tabata di 'chair massage', cu Wernet-Kelly a bisa cu a bay



Accident fatal na Venezuela

Miss Teen Belleza Monagas a perde su bida

CARACAS: Esnan cu ta den mundo di beyeza na Venezuela ta den luto, relaciona cu algo cu a socede Diasabra atardi na estado Anzoategui, cu ta keda poco pariba di Caracas. Pueblo di Maturin na estado Monagas ta tiki tristo cu e noticia aki.

Den un accident e atardi ey, un dama hoben a perde su bida. Ta trata aki di Loreanny del Carmen Idrogo Guerrero di 21 aña, kende tabata conoci pa hopi tempo caba keto bay como 'Miss Teen Belleza Monagas'. El a haya e corona ey na 2021.

E hoben tabata den auto y tabatin un persona masculino tambe aden. E persona ey identifica como Italo Jose de Caro Angeloff di 36 aña di edad, tambe a perde su bida den e accident cu a socede riba caminda Troncal 9 di estado Anzoategui.

Testigonan a splica cu e dos persona aki tabata coriendo den un auto sedan Chery Orinoco color shinishi fabrica na China, y a bay dal frontal contra un Bus. Nan tabata coriendo riba e caminda aki Troncal 9 rumbo pa Clarines. E accident mes a socede den pueblo di Boca Uchire. Chauffeur di e Bus a keda deteni door di autoridad, mientras ta investigando e causa di accident.

Loreanny no a djis briya den e certamen di beyeza, sino cu e tabata un dama destaca den desfilen na moda na Monagas. El a participa den varios proyecto di television regional, unda el a haya reconocemento di pub-



lico como animadora di TV, mustrando su pasion pa media y su forma natural di ta dilanti camera.

Su fayecimento inespera a trece hopi reaccion di hendenan den mundo di modelahe tambe, unda nan a aprecia Loreanny pa su dedicacion y semper bon beis y espiritu alegre. Esnan cu conoce, lo record'e como un hoben luchador, yen di bida, y cu tabatin soñonan grandi su dilanti.



Reflexion

Dios stima mi



@MVMNTYOUTHMINISTRY

Bo ta pensa cu Dios stima bo?
Bo ta pensa paso bo ta na bida E stima bo?
Of paso bo tin un cas?
Of paso bo tin cuminda?

Tur esakinan por ta sigur un bendicion. Pero acaso si bo no tabatin esakinan, kiermen cu Dios no stima bo? Bo ta pensa esnan cu no tin un cas, Dios no stima nan?

Dios stima tur hende.
Dios Su amor no ta mara na nada.
Y tampoco e ta condicional.
E no ta stimabo paso bo a haci algo bon.
Y E no ta stop di stimabo ora bo haci algo robes.

Dus con bo sa cu Dios stima bo?
Paso e ta para den Su Palabra cu "Ela stima mundo asina tanto, cu Ela manda Su unico Yiu, pa tur esnan cu kere den djE no bai perdi."

Dios a demostra Su amor pabo cu accion.
Ela duna su miho pabo. Su unico yiu. Su tesoro.

Paso sin Hesus, nos nunca lo por tabatin acceso na Dios Tata. Pa motibo di tur nos fayonan y maldad nos a wordo separa for di djE.
Pero e regalo cu Ela duna nos, ta duna nos acceso na e relacion aki bek.

Dios stima bo. Pero pa bo haya sa con hopi, bo tin cu acerca na djE. Y con bo por haci esey? Bo por hacie bayendo un lugar unda Su amor y presencia ta move y unda e berdad ta wordo papia.

No warda mas. Ta tempo pa bo conoce e amor berdadero di Dios.
Bishita nos na Iglesia Hesus Biña Nobo. Tambe nos tin un grupo di hoben cu ta bini tur Diabierna 7.30pm, busca nos riba insta: mvmntaruba.

Spera di topa bo pronto!

MVMNT Youth Ministry.

Pa bo keda conecta cu



- Pa bo potretnan exclusivo
- Pa cubri bo evento
- Pa reporta irregularidadnan riba caya

ABO TA NOS WOMO RIBA CAYA PA YUDA INFORMA NOS PUEBLO DEBIDAMENT



WhatsApp

592-9684

Minister di Deporte Gerlien Croes a felicita tur cu a participa den e IBiSA Kids Run 2025

ORANJESTAD (AAN): Den fin di siman, Aruba a vibra cu energia, deporte y alegria durante e celebracion di e IBiSA Kids Run 2025, organisa pa IBiSA den marco di Olympic Day Celebration. Cu mas di 700 participante for di mas cu 60 scol, muchanan entre 4 y 18 aña a participa den e careda mas grandi di mucha na Aruba.

E evento, cu ta un colaboracion anual entre IBiSA, Comité Olimpico Arubano (COA) y Aruba Bank, ta representa un momento di union y inspiracion pa promove movimiento, salud y spirito deportivo entre e generacion nobo. E demanda pa participa a keda hopi grandi, demostrando cu e amor pa deporte ta sigui crece den nos comunidad y bou di nos muchanan.

Aunke cu e 'Olympic Day' oficial ta dia 23 di juni, e celebracion a tuma luga diasabra den combinacion y forma di celebracion cu e IBiSA Kids Run. E ambiente tabata festivo y educativo na mes momento: muchanan por a saca potret cu e antorcha olimpico den un photobooth special, a ricibi nan certificado di participacion na oficina di COA, a participa den un experiencia deportivo, conoce diferente federacionnan di deporte y wak demostracionnan bibo



durante e mainta aki.

Minister Gerlien Croes, como Minister di Educacion, Hubentud y Deporte, ta expresa su felicitacion y orguyo na e organisadornan:

"Pabien y danki IBiSA, Comité Olimpico Arubano y Aruba Bank pa un evento cu ta mas cu deporte—ta representa union, crecemento y inspiracion. PABIEN! ta bay na tur mucha cu a participa, y pa cada maestro, mayor y guia cu a duna nan motivacion pa participa y triunfa".

Esaki ta deporte den su forma mas puro: inclusion, diberticion y formacion.

Nos ta conta riba nos mucha- y hobennan, y e pasonan cu nan ta tuma awe ta fundeshi pa un Aruba mas saludabel y mas participativo.



Parlamentario Endy Croes: Tin hende tin gevoel y otro NO

Mike Eman y AVP a changa Mike de Meza manera dabel 6

ORANJESTAD (AAN): Parlamentario Endy Croes a sigui e desaroyo di Mike de Meza hopi di cerca. Nos conclusion ta como lo siguiente: “Tin hende tin gevoel y otro a perde gevoel”. Mike Eman hunto cu Gerlien Croes a changa Mike de Meza formalmente mescos cu bo ta changa dabel 6 den wega di domino. Ainda Mike de Meza kier sigui culpa MEP.

Gerlien Croes no ta comparti un boonchi cu Mike De Meza

Gerlien Croes a bandona AVP paso Mike de Meza a gañ’e durante un reunion den Parlamento publicamente. Esaki ta un hecho. Mike de Meza dia 8 di januari 2025 tabata e unico Parlamentario cu NO a vota pa Gerlien Croes bira Presidente di Parlamento. Votacion a sali 20-0 y no 21-0. Pues De Meza a abstene di vota. Esaki tambe ta un hecho. Gerlien Croes a para fuerte cu Mike Eman, cu Desiree Croes “over su dead body”, lo bira Minister Plenipotenciario na Den Haag. Mike Eman a laga Desiree cay y mester a busca un pensionado cu 6 pensioen Baba Herde, stofia su bachi y asina prepar’e pa mand’e Hulanda. Esaki tambe ta un hecho.

Awor den henter e bada bada cu Mike de Meza no por pasa screening, segun fuente Desiree Croes kende ta coach Mike de Meza a traha un carta pa sostenedornan di De Meza y ta manda esaki pa Rey Willem Alexander carga cu mentira. Esaki tambe ta un hecho. Mike de Meza y su hendenan ta “missing the point”. No ta MEP mester draag De Meza voor na Gobernador como minister cumpliendo cu articulo 8 di ley di screening pero ta Mike Eman cu consciencia di Gerlien Croes. Un cos ta hopi cla cu Mike Eman NO ta tuma desicion. Tambe ta cla y raspa cu Mike de Meza no lo bira minister. E no a cumpli cu belasting y su comportacion fiscal ta na werki y ademas awor e ta sospechoso. Asina mes ainda Team De Meza kier culpa MEP. MEP ta pafu di boso wega. Boso problemanan interno resovenan den cas y stop di tira paña sushi riba caya y stop di culpa MEP.

MEP no por paga belasting pa Mike de Meza

Dia 14 di maart formadornan Gerlien y Mike Eman a haya resultado di screening di De Meza. Dia 20 di maart formadornan a pidi DIMP pa



un zienswijze como cu localnan a ricibi De Meza no por wordo proponi pa candidato minister. Mesun dia 20 di maart Speed cu Patrick, e dos carpatanan di Mike Eman, tabata dilanti cas di De Meza cu e noticia cu De Meza debe hopi belasting.

Ken pueblo ta kere lo a duna nan e informacion aki pa haci e trabou sushi contra De

Meza? Den boca di pueblo a core cu De Meza debe su manan di 2 miyon florin, despues 1 miyon florin y por ultimo for di su abogado a compronde publicamente cu ta 600 mil Mike de Meza debe (hopi placa). Tambe den sentencia di hues por a tuma nota cu tin algun aña cu De Meza tampoco su señora (lesa e sentencia) no a entrega nan aangifte. Tambe lo

a bende negoshi y aparentemente a sconde esakinan pa belasting. Lo a haci areglo di pago y tampoco a cumpli. Tur esakinan tabata den desventaha di De Meza. Pues Mike de Meza y su “gang” mester busca e problema den nan seno y NO hinca MEP den boso problema. MEP no por paga belasting pa Mike de Meza. Cada ken tin di cumpli cu su responsabilidad.

Como Parlamentario bo por entrega tur keho y investiga ken cu bo kier!

Mike de Meza ta biba den un bubbel cu MEP lo no kier pa e bira Minister paso e lo investiga yen di proyecto di MEP. Na prome lugar MEP no tin nada di sconde. Na di dos lugar como Parlamentario bo por haci cualkier investigacion y bo por entrega keho si bo tin prueba suficiente. Pa recorda Mike de Meza cu for di den Parlamento kehonan grave a wordo entrega contra Benny Sevinger di AVP pa atende cu e corrupcion di mas grandi den historia di pais Aruba. Nos tur sa con esaki a termina cu 4 aña di prison. Pues BO no mester ta minister pa investiga y entrega keho. bo por haci mescos desde Parlamento. Stop di tuma Bo hende nan haci kens

Restaurant flotante na Colombia a sink cu turistanan aden

BOGOTA: Un accident hopi spantoso a socede e siman aki na Puerto Gaitán na departamento di Meta na Colombia, ora cu un restaurant flotante cu basta cliente aden cu ta eynan pa Festival Internacional de la Cachama, a sink.

Ta trata di e restaurant turistico Panab, cu a sufri un colapse structural di un di e plataforman flotante riba cual e ta opera. E restaurant tabata funcionando e momento ey, y cu hendenan paden, te ora cu un di e skinnan a cuminsa sink y yena cu awa.

Tin hende a graba e suceso riba video, y esaki rapidamente a bira viral riba social media. Aki ta muestra con e turistanan den e Restaurant, diripiente ta busca pa sali sea via bentananan of portanan, y tabata haci esey na forma desespera. Tur esey mientras cu e plataforma a cuminsa sink tambe otro banda.



Meymey di tur e caos aki, algun di esnan eynan a purba subi e dak di e restaurant buscando refugio eyriba, mientras otronan a djis dicide na bula den e rieu.

Varios piscado y personanan cu tabata cerca di e lugar, a reacciona mesora y danki na e hecho cu e restaurant ta hopi cerca di oriya di e rieu, esey tabata un punto clave pa yuda evacua e clientenan.

Den tur e situacion aki, na final un persona a resulta levemente herida. E resto di clientenan abordo a wordo evacua. Esey ta loke Alcalde di Villavicencio a laga sa.

Ainda no ta conoci di con e Restaurant a cuminsa sink, pero nan ta pensa cu kizas un di e flotadornan lo a bira bieu y a cuminsa laga awa drenta, y esey lo a genera daño na resto di e plataforma.

Traficantenan a laga 235 kilo di cocaína abandona den boto

SAN JUAN: Informacion for di Puerto Rico, ta indica cu na ciudad di Aguadilla, diferente unidad di US Customs and Border Protection, incluyendo nan operacion di Aire y Marina, y US Border Patrol, a bin descubri Diadomingo un boto cu abordo 235 kilo di cocaína laga atras. Esaki na pueblo di Rincon na Puerto Rico. Riba caya e babor di e cocaína aki laga atras ta di 4.2 miyon Dollar.

Tabata Diasabra cu oficialnan a detecta un boto sospechoso como 3 miya zuidwest di Black Eagle Beach na Rincon. Oficialnan di Border Patrol a busca e lugar, y a bin haya un boto blanco di 22 pia largo, cu un Outboard Engine di 60HP cu nan a dal y subi tera cune.



Abordo a bin haya 8 saco grandi di cocaína.

E contrabando a wordo confiscado door di Border Patrol, y despues pasa pa Homeland Security Investigations, cu ta sigui cu e trabao di investiga e caso aki.

Xamarah Anthonij a bira Mini Model World 2024-2025

ORANJESTAD (AAN): Si-man cu a pasa, Cas Princesa Aruba a ricibi e noticia cu nan representante Xamarah Anthonij, e prome finalista ViReina di Mini Model World 2024 na Republica Dominicana, a reemplasa Bianca Bazo kende debi na incumplimento di compromiso y falta di responsabilidad. Tabata e organisacion oficial di Mini Model World, cu a haci e anuncio aki.

Debi na esaki Xamarah a biaha pa Republica Do-

minicana hunto cu su representante di Cas Princesa pa asina ricibi e corona y banda oficial. Cu emocion y orguyo el a ricibi e corona internacional aki y dignamente a representa su isla Aruba.

Cas Princesa Aruba ta felicita Xamarah Anthonij y ta gradici tur esnan cu semper ta confia y stimula e organisacion pa mas cu 10 aña caba. Potretnan ta cortesias di Mini Model World.



Autoridad Colombiano a confisca mas di 3 ton di cocaína riba un speedboat

ORANJESTAD (AAN): Den nan lucha contra narcotrafico, unidadnan di Armada di Colombia, den colaboracion cu Forza Aeroespacial Colombiano y Ehercito Nacional, a logra di intercepta un speedboat tipo Go-Fast na e costa dilanti La Guajira.

Usando tecnologia avanza, a detecta e speedboat aki dilanti costa di Alta Guajira, cu no ta mucho leu pabao for di Aruba. Detectando esaki riba radar, a pone cu Forzan-an Special Naval a cuminsa nabega den nan direccion.

Pero diripiente e speedboat Go-Fast di 13 meter largo, cu cuatro outboard engine, a stop. Esnan abordo a bando-na esaki ora cu nan a mira cu

autoridad ta yegando cerca.

Nan a lastra e speedboat aki, y despues unidadnan di Guardacosta Colombiano a sigui lastr'e te na un Pier na ciudad di Riohacha na La Guajira, unda a bin nota cu tin varios bulto cu paki aden cu cocaína. E peso total a bira di 3.204 kilo. E droga aki riba caya den exterior tin un balor di como 153 miyon Dollar.

Tur cos ta muestra cu e speedboat aki tabata cla pa cruza Lama Caribe pa sea bay rumbo pa Centro America, of Republica Dominicana, of un di e islanan ABC, of hasta rumbo pa

Venezuela. Riba e potret por mira con nan a pone tur pakete hunto y asina por mira con hopi nan ta.



E Bon Noticia

Maria mama di Iglesia?

Skirbi pa: Seferino Tromp

Den Bijbel Genesis 3: 14-16, Dios Tata a bisa na e colebra satanas: "Lo Mi trece enemistad entre abo y e muher, entre bo descendiente y entre e descendiente di e muher. E muher cu su descendiente lo trapa riba bo cabes y lo bo lastra bao di su pia." Akinan e muher ta Maria, cu a obedece Dios y a acepta di ser Mama di E Salvador. Maria Su descendiente ta, Cristo-Hesus y tur e siguidornan den Cristo-Hesus Su Iglesia. E descendiente di e colebra satanas ta esnan den secta cu no ta acepta Maria y ta persigui Cristo-Hesus Su Iglesia.

Den Bijbel Revelacion 12: 17: "Anto e dragon a rabia contra e muher y e'l a bay haci guerra na e demas yiunan di e muher." Akinan e diabel tin rabia riba Maria y e diabel ta persigui y ataca e yiunan di Maria den e Iglesia di Cristo-Hesus. Den Bijbel Lucas 1: 41-43, akinan Maria a bishita Su prima Elizabeth y Elizabeth a keda yena cu Spirito Santo y a bisa: "Di unda mi ta merece e honor cu Mama di mi Senjor ta bishita mi?" P'esey Maria ta worde yama Mama di Dios, pasobra Su Yiu Hesus ta E di dos Persona di E Santisima Trinidad.

Y den Bijbel Huan 20: 28, akinan Apostel Thomas ta expresa na Hesus: "Mi Senjor y Mi Dios." Akinan e palabra Senjor ta significa Dios, pesey Maria ta Mama di Dios. Den Bijbel Huan 19: 25-27, akinan Hesus na Crus klaba a bisa: "Mama, ata bo yiu eynan y despues E'l a bisa Huan: Ata bo Mama eynan." Akinan Hesus ta ofrece nos Su Mama Maria, pa nos stimel'E, pa nos honrel'E y pa nos acepta Maria como nos Mama. Manera cu e Apostel Huan a acepta Maria como su Mama y e Apostel Huan ta representa e Iglesia di Cristo-Hesus, pesey Maria ta Mama di Iglesia.

Den Bijbel Revelacion 12: 1, ta bisa: "Un senjal grandi a aparece na Cielo: un Muher bisti cu solo, cu luna bao di su pianan y riba su cabes un corona di diesdos strea." E Muher bisti di solo ta Maria y e corona di diesdos strea ta simbolisa, e oficio Real den Reino di Cielo.

E significacion di solo, luna y streanan, den Bijbel Genesis 37: 9-11, akinan e Profeta Jozef ta sonja di mira con, solo, luna y streanan ta buig su dilanti y esaki ta simbolisa, Reinado y Autoridad.

Den Bijbel 1 Reynan 2: 19-20, ta bisa: "Ora cu Betsabe, e mama di Rey Salomon a drenta den e sala di e Rey, pa papia cun'e ariba asunto di Adonias, e Rey a lanta pa ricibi su mama y a buig su dilanti.

Despues e'l a bay sinta riba su trono y a duna ordo pa nan trece un stoel di trono pa su mama, e mama a sinta na man drechi di su yiu Rey Salomon y a bis'e: Mi kier a pidi bo un fabor chikito, mi no ta spera cu bo lo nenga mi. Rey Salomon a contesta: Mi mama, pidi mi loke bo kier, lo mi no nenga bo." Akinan e mama di Rey Salomon a haya un trono, pa sinta na man drechi di su yiu Rey.

Tambe Betsabe a pidi su yiu Rey Salomon fabornan pa Adonias y Rey Salomon a contesta su mama: "Mi mama, pidi mi loke bo kier, lo mi no nenga bo." Akinan Betsabe tabata abogada y intercesora pa Adonias y pa otro nan. Akinan tambe Maria a intercede, pa e pareha recien casa na boda di Cana na Galilea na unda cu biña a caba, Bijbel Huan 2: 1-10.

Mama Maria den Cielo ta nos abogada y intercesora pa tur Su yiunan den Iglesia di Su Yiu Hesus y Hesus Rey di Universo, lo no nenga Su Mama fabornan. Conclusion: Na ora di nos morto, nos tur tin cu presenta individualmente dilanti di tribunal den Cielo pa ser husga, dilanti di trono di Hesus Rey di Universo. Awor, na esnan den secta cu no a acepta Maria, ta ken bo ta kere di mira tambe sinta na Su Trono na man drechi di Rey Hesus?

Wel, lo bo mira Maria sinta na Su Trono, como Reina di Cielo y di Tera, bisti cu Solo, Luna bao di Su pianan y riba Su Cabes un Corona di diesdos strea. E prome palabra cu Hesus Rey di Universo lo bisa bo ta, bo a honra Mi Mama, bo a venera Mi Mama y bo a stima Mi Mama, manera Mi ta stimel'E?

Tambe Hesus lo bisa bo, Mi a ofrece bo Mi Mama, den agonía na Crus klaba, lesa Bijbel Huan 19: 25-27. Nunca no ta laat pa sa e berdad y pa cambia bida.

Columna E Sembrado



Diaranson 25 Juni. Di diesdossiman den tempo ordinarioaño 2025
Ciclo C.

Calendario Liturgico

Lectura: Genesis 15, 1-12.17-18;
Salmo: 105;
Evangelio: Mateo 7, 15-20;

Despues Señor a papia cu Abram den un vision: 'No tene miedo Abram, pasobra Ami ta proteha bo.' Genesis15,1
Tin biaha loke nos ta pidi Señor ta muestra imposibel. Pero Señor ta bisa: 'No tene miedo, Mi ta proteha bo'. Y nos, mescos cu Abram, mester sa cu nos no por haya nada sin confia. Señor no a priminti nada a base di loke Abram a logra of no. Masbien e pacto aki a bin puramente for di e amor di Señor como resultado di e confiansa cu Abram tabata pone den Señor. Abram tabata sincero cu Señor cu hasta ela bisa: 'Bo no a bendiciona mi cu un yiu'. Despues e ta bolbe puntra: 'Señor con mi por tin sigur di e cos aki?' Tur esaki ta muestra cu Abram su relacion tabata uno estrecho y di confiansa cu Señor. Trankil e por a expresa loke e tabata sinti y sa sigur cu Señor ta scuch'e. Ban purba nos tambe pa cera un relacion fuerte cu Señor pa nos tin e seguridad cu den cualkier situacion nos por papia y pidi abiertamente na Señor.
Oracion: Señor Todopoderoso, Abo cu ta Dios y ta mira loke ami no por mira, y sa loke ami no sa. E Dios cu ta yamami pa confia den djE aunke e situacion ta muestra scur. Manera Abram mi ta bin Bo dilanti cu mi miedo, preguntanan pero tambe cu Fe cu Bo ta mi protector y e Unico cu ta mantene Su promesanan.

Amen.
Grupo Centro Pastoral

> SUDOKU <

Conceptis Sudoku

By Dave Green

3		1	2			9		4
				1	8			
4								5
	4			2				8
	5						7	
1				4			6	
7								9
			8	6				
8		2			9	6		1

Difficulty Level ★★★★★

12/25

HARI UN TIKI

Un mucha a puntra su tata "Papie, cuanto año mi tin?"
"Cinco mi yiu".
"Y e pushi?"
"2 año".
"Y pakico e pushi tin bigote y ami no?"

BUSCA PALABRA

PREPARANDO

W F V D Q K O N T D I S P O N I B E L J
T V L X H N Y I A F R P Z N Y R I H K V
A H Q F N R E J G N O V F M J M S E T E
T V O R I H M B E E O R J R P U W C V C
C T R A A V T H C U L S B L A I B U R O
Z T Y V S T D X P B M I E A Y N S T N N
D E L E G A C I O N X M V C M O M I A O
X R A V N X Z Z S E E B N I O J Z V N M
O D R N A M M R X N Q A R C R R E O O I
O R R E D O S K T V N A M M S P P N T C
V Q G M P R Q A N D E D H F N R I A N O
C Y D A J R C U R S E Z O B E Y N N U N
H Z S V N I E A I P J F F P E A Q S S P
X X S Z O I D S A F R Q A V N E P X A Z
J B O N Y N Z R E J N R A O E H J Z Q X
H Z H V A D T A D N A B Z J T F I K K A
Q X O T M A W D T C T R P U M T R E O P
T O S S M A F Q I I E A C I T W H L O C
S C G E M I N O H U O X N N F F P P J I
X B N Z K C N U F C D N R T A Q S Z E U
J T F K B N A S U W Z M T E E T L G Z I
O E R A A E E G U Q I L X R G N Y Z O R
T N R N U T A V I A C I O N Y L A W O L
N T T X Z S Y J D V N I Z A D S A N W Q
G A U J I I C V N A N O I C I F E N E B
F J W V W S J B B R T Q W I O Z I Y A W
B H K E E A N U K Y W O P O M M P X L N
S V W V B Q H W L E X O K N L E Z G G Y
K Z Y O L J R V D G S K X A B B W U W W
V T E U O H M W Z O B V Q L D G N B I D

ASISTENCIA
BENEFICIONAN
DISPONIBEL
ESFUERZONAN
LUCHTVAART
PRIVILEGIO
REPRESENTANTENAN
ASUNTONAN
DELEGACION
ECONOMICO
IMPLEMENTACION
ORGANIZATION
PROCESONAN
STANDARDNAN
AVIACION
DEPARTAMENTO
EHECUTIVONAN
INTERNACIONAL
PREPARACIONNAN
REGLANAN

Answer to previous puzzle

1	9	2	8	5	7	4	3	6
6	3	7	4	9	1	2	5	8
5	8	4	2	3	6	1	9	7
4	6	5	7	8	3	9	1	2
3	2	8	5	1	9	6	7	4
7	1	9	6	2	4	3	8	5
2	4	3	1	7	5	8	6	9
9	7	6	3	4	8	5	2	1
8	5	1	9	6	2	7	4	3

Difficulty Level ★★★★★

12/24

©2022 Conceptis Puzzles, Dist. by King Features Syndicate, Inc.

©2022 Conceptis Puzzles, Dist. by King Features Syndicate, Inc.

Diabierna awo banda di Surfside

International Aruba Regatta 2025 ta casi cla pa ranca sali

ORANJESTAD (AAN): E Aruba International Regatta 2025, cual lo bira e di diescincu edicion, lo inicia riba 27 di juni 2025, cu registracion habri, musica, snacks, na e beach banda di Neptali Henriquez Park, Oranjestad. E bar lo ta habri pa nabegadonan y spectadornan registra, topa cu otro, gara nan gear anto experiencia e ambiente unico di e comunidad di nabegacion.

E 'Regatta Village' riba beach lo wordo traha pa boluntarionan. E huesnan lo bini for di Corsou y lo ta esnan oficial den locual ta score y premiacion di e evento.

Regatta lo presenta un rango diverso di clase di nabegacion, cu enfasis riba diferente nivel di habilidad y interes.

DIFERENTE CLASE: Aki DIARIO ta presenta e nomber di diferente clase cu lo participa den e caredanan:

- Optimist: E clase aki ta específicamente diseña pa nabegadonan hoben, brindando nan un oportunidad pa por muestra nan abilidadnan di nabegacion y competi.

- Qubes: Un otro clase ta dedica na nabegadonan hoben, e clase di Qubes ta ofrece un plataforma competitivo pa juniors por demostra nan abilidadnan di nabegacion

- F11: E clase aki ta inclui botonan di careda F11, cu ta conoci pa nan velocidad y agilidad. Participantenan den e clase aki ta nabegadonan cu hopi abilidad den nabega awanan difcil cu hopi precision

- Beachcats: E clase di Beachcats ta involvi careda di catamaran chikito y cu menos peso. E botonan aki ta traha pa velocidad y diversion

- Sunfish: E clase di Sunfish ta popular pa loka ta "single-handed racing" cual ta involvi nabegacion den botonan chikito facil pa maneha y brindando tog un experiencia divertido

- Laser: E clase di Laser



ta renombra pa loka ta su caredanan competitivo. E ta inclui 'single-handed sailing' den Laser sailboats y ta rekeri hopi abilidad y precision

- RaceClass I [Yachts]: E clase aki ta inclui careda den yacht hopi mas grandi, mustrando tambe elegancia y poder di e vehiculonan aki. Participantenan den e clase aki ta competi cu nan yate pa demostra nan experiencia den nabegacion

- Cruising Class [Yachts]: The Cruising Class ta ofrece un experiencia hopi mas relaha cu ta enfoca riba e diversion di nabegacion y colaboracion entre participantenan. E ta habri pa yate di diferente tamaño y configuracion

- Live Aboard Class [Yachts]: E clase aki ta pa nabegadonan cu ta biba den exterior cu nan yate. E ta brinda un oportunidad pa nabegadonan di exterior tambe por muestra nan abilidadnan di nabegacion y disfruta di e experiencia di Regatta

- Multihull [Class]: E clase aki ta involvi careda den multi-hulled sailboats, cual ta conoci pa nan estabilidad y velocidad. E clase aki ta atrae nabegadonan cu hopi abilidad den nabegacion di e vehiculonan unico aki

- Kiteboarding: Kite Class ta dedica na kiteboarding, un deporte maritimo hopi divertido cu ta combina sailing & surfing. Kiteboarders ta muestra nan abilidadnan y tambe ta presenta algo maniobra riba lama.

- Boto miniatura: 35" 40" y 45", cual ta botonan chikito di herencia Rubiano riba awa den accion.

- Windsurf: E clase di Windsurf ta involvi careda riba windsurfing boards, utilizando e poder di e biento pa maniobra y yega na velocidadnan mas halto. Windsurfers ta demostra nan expertisio den e clase dinamico aki.

Adicionalmente e Inter-

national Aruba Regatta tambe lo presenta cuminda y bebida excelente den servicio pa ambos e nabegadonan y publico pa medio di Trampoline pa Trabao. Esnan presente lo por disfruta di platonan delicioso y bebidanan refrescante mientras ta disfruta di e ambiente di Regatta.

Entretenimento lo wordo brinda pa banda local di Reggea The Originalz cu lo agrega un ambiente vibrante na e evento riba diadomingo. E zonidonan di e musica lo complementa e accion y sensacionnan di e caredanan, asina creado un ambiente festivo pa tur por disfruta di dje.

Tambe mester agrega

cu International Aruba Regatta ta pone un enfasis hopi fuerte den loka ta bida maritimo, nabegadonan hoben den region, y brindando conscientisacion riba e importancia di proteha y preserva nos lama. Por medio di compina e diversion di nabegacion cu e enfoca riba administracion ambiental, International Aruba Regatta ta promove sostenibilidad y responsabilidad pa ora ta trata deportenan maritimo y recreacion.

Generalmente, International Aruba Regatta ta priminti di brinda caredanan emocionante, platonan delicioso y servicionan di bebida, entretenimento captivante, y un compromiso pa guia nos nabegadonan hoben y preserva nos medio ambiente y bida maritimo. Esaki ta un evento cu ta trece tur amante di nabegacion hunto, e comunidad local, y tambe bishitantenan pa disfruta di un experiencia memorabel.

Apertura ta Diabierna 27 di Juni, di 5:00 pm te cu 9:00 pm. Competencianan Diasabra 28 di Juni ta di 9:00 am te cu 4:00 pm. Competencianan Diadomingo 29 di Juni ta di 9:00 am te cu 3:00 pm. Entrega di premio pa hubenil ta pa 4:00 pm. Entrega di premio pa adultonan ta 7:00 pm.





RESULTADO DI SORTEONAN PA CORTESIA DI CADENA ALEXANDER

Diamars 24 Juni 2025

DIARIO	KORSOU	SUPER 4	CATOCHI	ZODIAC
6095 1192 0328	7919 4649 0029	2444	MERDIA 7175 3007 4118	ANOCHI 1195 4862 4691
LOTTO DIA 09-10-13-17-18		OFF 1749-4722	BIG 4 M 4625 A 0341	9751 ACUARIO 5954 ARIES
MULTI-X MERDIA X2		MULTI-X MERDIA X3		
CATOCHI ANOCHI X2		BIG 4 ANOCHI FP		
LUCKY 3	MERDIA 879	MULTIPLIER X2	ANOCHI 917	MULTIPLIER X3 LUCKY 3



PRIJS: 2 Florin ehemplar
ABONO: 40 Florin pa luna

EDITOR
Agencia Arubano di Noticia

FUNDADOR
† Jossy M. Mansur

DIRECTORIAN
Eduardo Mansur
Luis M. Mansur
Damilice Mansur

REDACTOR Coordinativo
Aureen Werleman

REDACTOR Ehecutivo
Nilton Laclé
Yorleny Oduber-Quesada
Tania Cunha

REDACTOR
Mercedes Abdul-Hamid
Giovanni Lane

REPORTERO
Hubert Tiel

AVISOS Y ARTE
Franklin Peña (Hefe)
Susy Maduro (Project Manager)
Miguel Garcia
Glenn Gonzaga
Robert Simoons

ADMINISTRACION
Freddy Barreto (hefe di personal)

RECEPCIONISTA
Vivian Maduro

LAYOUT
Alex Croes
Ricardo Jimenez

IMPRESION
William Quiceno
Raul Valencia

ADRES

DIARIO N.V.
www.diario.aw

Miembro di
Sociedad Interamericana
de Prensa

Email: noticia@diario.aw
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325



ALMANAC



Bahada y salida di solo na Aruba

—25 Juni 2025
Solo ta baha: 7:09 p.m.

—26 Juni 2025
Solo ta sali: 6:17 a.m.



Tel: 583-1190



Lista di Crusero di bishita na Aruba

—Diabierna 27 Juni 2025:
Seven Seas Mariner:
(10:00 - 21:00)

—Diaranson 2 Juli 2025:
Rhapsody of the Seas:
(08:00 - 23:00)

—Diamars 8 Juli 2025:
Carnival Horizon:
(09:00 - 23:00)

—Diamars 15 Juli 2025:
Adventure of the Seas:

EMERGENCIA NA ARUBA

Diaranson 25 Juni 2025

DOCTER NA WARDA

SAN NICOLAS:
Pa San Nicolas, Docter lo ta na H.A.P. ImSan.
Docter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARDA

PARIBA DI BRUG:
Botica Sero Preto NV
Weg Sero Preto 25
Telefon 584-4833

PABAO DI BRUG:
Botica Central NV
Santa Cruz 262
Telefon 585-1965

e-CONTACT DIARIO

E-mail Redaccion: noticia@diario.aw
E-mail Avisos: aviso@diario.aw

E-mail Deporte: deporte@diario.aw
E-mail Asunto Funeral: morto@diario.aw



Loke Tempo ta Mostra....

- Condicion atmosferico levemente humedo y instabil den region, ta sigui trece par di awacero. Pero en general lo bay ta seco, y lo tin Stof fini di Sahara tambe presente, pa asina reduci visibilidad. Biento lo ta fuerte y lama ta keda bruto pa awo.
- Biento ta modera te basta fuerte entre 20 y 39 km/h, tin biaha cu rafaga te 61 km/h. Lama tiki bruto cu olanan di 3 y 7 pia.



Mini Mega

Diamars 24 Juni 2025

11

13

28

30

•••

Mega Ball

03

1^{er} Premio: No tin ganador Jackpot

2^{do} Premio: No tin ganador Match 4


3^{er} Premio: Tin 16 ganador Afl. 500,00

4^{to} Premio: Tin 166 ganador di Afl. 50,00

5^{er} Premio: Tin 278 ganador di Afl. 15,00

Jackpot pa e proximo Sorteo di Mini Mega 27 Juni 2025
Afl. 675.000,- MEGA PLUS Afl. 1.000.000,-

Tabatin 79 ganado cu a bay cu Roll Down Lotto di Dia



29-02-15-28-04

ORANJESTAD (AAN):
Dialuna anochi e sorteo di Lotto di Dia cu su Roll Down di 150 mil Florin a produci e numernan ganador: **02, 04, 15, 28, y 29.**
E biaha aki no tabatin tick-

et cu tur cinco number, pues e premio a bay pa esnan cu tin 4 number bon.
Pa 2ndo premio tabatin 79 ganador cu lo reparti e jackpot, pues cada uno lo bay cobra 1.898 Florin.



REGISTRO DI TEMPERATURA Y CUANTO AWACERO A YOBE ROND DI ARUBA

For di DIALUNA 8'or mainta te DIAMARS 8'or mainta:

- Temperatura registra na **Aeropuerto, Aruba:**
—Maximo: **31° C.** Yobida: **4.0 mm.**
—Minimo: **26° C.**
- Temperatura registra na **Westpunt, Aruba:**
—Maximo: **31° C.** Yobida: **2.5 mm.**
—Minimo: **26° C.**
- Temperatura registra na **Santa Rosa, Aruba:**
—Maximo: **32° C.** Yobida: **3.9 mm.**
—Minimo: **26° C.**

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via WhatsApp, FB Messenger, E-mail, USB Drive, incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente! (Atencion: Ora cu bo no kier pone bo number bao di un remitido, anto automaticamente den e texto bo **NO POR** menciona number di hende of entidad).

Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion. Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta potret traha via di fotocopia, tampoco caricatura, ni pa animal. Manda potret na 'noticia@diario.aw'

Contents ©2025 Matutino DIARIO

COPYRIGHT: Nada den DIARIO mag di worde copia sin permiso di Agencia Arubano di Noticia. otonan di The Associated Press no por worde re-publica na TV of otro medio sin previo autorizacion di AP.

DEPORTE INTERNACIONAL

Inter Miami y Palmeiras a keda empata y ambos ta pasa pa proximo rond di Mundial di club



MERCA: Dialuna anochi Inter Miami a cuminsa nan wega contra Palmeiras hopi bon y na dado momento tabata tin un ventaha di 2 gol, pero na final e wega a caba empata 2-2.

Cu e empate tanto Inter como tambe Palmeiras a caba cu 5 punto den 3 wega y ta pasa pa e proximo rond di e Mundial di club.

E prome gol di Inter a wordo anota pa Tadeo Allende den di 16 minuut, mientras cu e 2-0 a wordo anota pa Luis Suarez den di 65 minuut.

Palmeiras a haya speranza ora cu den di 80 minuut Paulinho a anota e 2-1 y e ekipo Brasileiro a logra e empate ora cu den di 88 minuut Mauricio a anota nan di dos gol.

Celtics a cambia Holiday cu Blazers pa Simons y escogencianan



BOSTON: Boston Celtics a cambia point guard Jrue Holiday cu Portland Trail Blazers, pa shooting guard Anfernee Simons y dos escogencia di e di dos rond di draft, segun Shams Charania di ESPN.

Trail Blazers a firma Holiday como parti di e cambio na 2023 cu a manda Damian Lillard pa Milwaukee Bucks, pero a mande pa Celtics prome cu el a hunga un wega den uniform di Portland.

Holiday tabata tin un average di 11.1 punto, 3.9 asistencia y 4.3 rebounds pa wega, den 62 wega durante temporada di 2024-2025.

E veterano di 16 temporada di 35 aña tin un salario total di 67.2 milyon dollar.

Dos biaha el a bira champion di NBA.

Un biaha cu Milwaukee Bucks na 2021 y otro biaha cu Celtics na 2024.

Haliburton no ta lamenta cu el a scheur su Achilles Peees door di hunga e ultimo wega di final



INDIANA: Strea di Indiana Pacers Tyrese Haliburton a comparti un update Dialuna laat, despues cu el a scheur su Achilles Peees den e di 7 wega di final di NBA contra Oklahoma City Thunder.

“Mi sa cu Dios nunca ta duna nos mas cu nos por maneha”.

Mi sa cu mi ta bay sali for di esaki como un mihor hungador y un mihor persona”, Haliburton a skirbi

riba X.

El a bisa tambe cu apesar cu el a sufri un lesion asina serio, e no ta lamenta cu el a hunga e ultimo wega di final sabiendo cu su pia no tabata 100%.

“Mi lo haci mescos un biaha mas pa bringa pa e ciudad y mi rumanan”, segun Haliburton cu muy probablemente lo no por hunga proximo temporada.

Leyenda di Mets Syndergaard a firma un contrato di Liga Menor cu White Sox



CHICAGO: Noah Syndergaard, un tempo atras un tremendo pitcher pa New York Mets, ta haciendo un comeback despues di 1 aña pafo di baseball.

El a firma un contrato di Liga Menor cu Chicago White Sox.

E ta buscando pa reviva su carera despues cu e no tabata mucho bon riba monticulo despues di bin bek di Ciruhia Tommy John.

Ultimo biaha cu Syndergaard a

aparece den Major League tabata na 2023.

El a caba cu un ERA bastante halto di 6.50.

Prome cu su problemanan di lesion e tabata tin 5 temporada impresionante cu

Mets, logrando un ERA di 3.31.

Apesar di su logronan cu Mets, temporada di 2023 tirando pa Cleveland Guardians y Los Angeles Dodgers e tabata muestra leu di e pitcher talentoso cu e tabata na New York.

Syndergaard ta cumpli 33 aña den luna di Augustus, pues si e mehora compara cu su ultimo aña den MLB, e por tira sikiera 3 pa 5 aña mas.



Noticianan for di Hulanda

Zelensky bon ricibi riba prome dia di cumbre di NATO na Den Haag



DEN HAAG: Riba e prome dia di e cumbre di NATO na Den Haag, Hulanda a ricibi presidente di Ukraine Volodymyr Zelensky cu brasa habri. El a topa cu Rey Willem-Alexander, el a cana den cura di e asina yama Catshuis, mientras cu el a tene un discurso den Tweede Kamer y a ricibi un ovacion grandi di aplauso despues di

esaki. Prome Minister di Hulanda Dick Schoof Diamars mainta a para cla pa ricibi Zelensky y a brasa e presidente di Ukraine ora cu el a sali for di auto.

Despues di esaki Zelensky y Schoof a cana

hunto den e cura di Catshuis y a papia cu otro.

Locual nan a papia cu otro ta keda un misterio, pero e camaranan a graba e dos lidernan for di leu.

Prome cu el a tene su discurso den Tweede Kamer e presidente di Ukraine a como lunch tambe.

Homber responsabel pa hayazgo di droga di 112 miyon euro na Amsterdam a wordo deteni



AMSTERDAM: Polis Diasabra a detene un homber di Amsterdam di 42 aña, cu posiblemente ta envolvi den un caso di traficacion di 4500 kilo di cocaina.

E partido grandi di droga a wordo haya dos siman pasa den waf di Amsterdam.

E droga tabata scondi na un manera profesional den un cargamento di palo, precedente di West-Africa.

Riba Diabierna 13 di Juni douane a selecta e container pa wordo controla y eyden e droga a wordo descubri.

E container a yega den waf di Amsterdam un dia anterior.

E controle a wordo haci pa douaneronan, yuda pa cachonan special y aparatura di scan.

Ta wordo calcula cu e droga tin un balor di caya di 112 miyon dollar.

Centenares di persona cu ta traha via uitzendbureau ta welga awe dilanti di centronan di distribucion di Albert Heijn



HULANDA: Centenares di persona cu ta traha via uitzendbureau, awe ta bay welga na centronan di distribucion di Albert Heijn. Nan ta bay dreठा den accion pasobranan ta desea di haya nan propio bon CAO.

Esaki sindicato FNV a anuncia.

E welga ta cuminsa na e centronan di distribucion na Geldermalsen y Pijnacker, pero mas lat lo sigui cu accionnan na otro localidadnan y otro companianan.

Kico exactamente e impacto ta bay ta pa tiendanan riba e dia no ta cla ainda.

Polis ta tene cuenta cu e posibilidad cu e disturbio di train na Schiphol tabata un acto criminal



HULANDA: Cerca di Schiphol alrededor di 25 cabel di un largura di 30 meter a wordo kima por completo, door di un candela cu tabata tin.

Esaki segun ProRail, den un update cu nan a duna Diamars atardi.

Polis Diamars a haci un investigacion forensico amplio y ta tene

enfaticamente cuenta cu e posibilidad cu ta trata aki di un acto criminal.

A investiga tambe di e caso aki lo por tin di haber cu e cumbre di NATO na Den Haag.

Un di e 25 cabelnan cu a wordo kima ta uno di 3000 volt, cu ta esencial pa provee e treinnan di energia.

SUPER CARD SUPER DEALS



COMFORT
CLASS

Monday
Thursday

8.00^{AWG}

Friday
Sunday

9.00^{AWG}

IMAX

10.00^{AWG}

11.00^{AWG}

VIP

11.00^{AWG}

12.00^{AWG}

**BEST CINEMA AT
THE BEST PRICES!**

Sign up today at any **The Movies location**
and **start enjoying great benefits!**

Continuacion pagina.6

1000 persona: e ta un simbolo di kico nos por logra hunto como comunidad," ta loke Paul Gielen, Gerente General di Wind Creek Aruba a declara.

DIARIO a nota cu Sr. Gielen tabata para na entrada di e evento ta saluda tur hende cu a yega, y tabata hasta pose pa saca potret cu e huespednan.

Sr. Gielen a splica cu e aña aki, Wind Creek Aruba a tuma un decision conciente pa scoge un solo organisacion esta, "Stichting Hunto" cu e meta pa logra un impacto mas profundo y realmente significativo. Asina aki "hunto" nos por ofrece e personanan aki den necesidad un mihor estructura y un bida nobo. Sr. Gielen a sorpresa tur presente como tambe e organisacion cu un check di \$100.000 enbes di

\$60.000, esaki ta un donacion generoso cu Wind Creek Aruba a otorga pa por logra e meta di "Stichting Hunto"

Stichting Hunto ta un organisacion cu ta traha y pone enfasis pa mehora salud mental, problema emotional of di conducta na Aruba, ofreciendo un espacio sigur, respet, guia y speranza na tur cliente como tambe na e famianan. Cu e donacion aki, "Stichting Hunto" lo implementa un unidad mobil multifuncional pa cuido, cu lo por ofrece servicicionan esencial, incluyendo sosten medico of apoyo psicologico directamente na esnan cu mas mester di dje na unda cu ta.

MC di anochi tabata Erin Croes, y DIARIO a keda impresionado cu e acompaño musical di Sunny Ray en vivo



ofreci pa Angelo 'Mak' Koolman y Jeremy Bonarriva.

E anochi aki tabata un celebracion di bondad y di union den nos comunidad, Long Table Aruba no tabata posibel sin e gran sosten di diferente partners, ta bisa danki di curason na tur esnan cu a contribui, cumpra nan ticket, yuda, y sostene e evento cu tanto amor tur aña.

Noticia Internacional

Bolivia ta declara emergencia nacional di salud pa motibo di casonan di sarampi

Gobierno Boliviano a declara un emergencia nacional di salud diamars debi na e casonan di sarampi reporta den e ultimo simannan, presidente Luis Arce y Ministerio di Salud di e pais a anuncia.

E declaracion ta busca pa encurasha autoridanan na tur nivel pa coordina y tuma medidanan pa stop e plamamento di e virus cu ta causa e malesa, Arce a bisa riba su cuenta di Facebook.

Un di e medidanan principal cu lo wordo implementa ta pa promove cobertura di vacunacion masivo, e mandatario a agrega, urgiendo ciudadanonan pa haya tur mucha vacuna y pa keda informa.

Ministerio di Salubridad a informa den un comunicado cu tin 3.600 centro



caminda muchanan por wordo vacuna.

E institucion a bisa tambe cu den un periodo di poco mas cu dos luna—di 21 di april pa 24 di juni—60 caso di sarampi a wordo registra den e pais. E prome infeccionnan a wordo detecta den e departamento di Santa Cruz.

Maria Renee Castro, Minister di Salud di Bolivia, a bisa cu e lo reuni cu autoridanan local di salud pa

implementa medidanan preventivo, enfoca principalmente riba e departamentonan y municipionan caminda casonan a wordo registra.

E funcionario tin planea pa reuni diaranson cu representantenan di e Organizacion Panamericano di Salud (PAHO) y otro organisacionnan internacional pa discuti con pa desaroja mecanismonan pa contene e malesa.

Mas di 2.5 kilo di oro a desaparece bao di custodia di Polis Hudicial Ecuatoriano



Mas di 2.5 kilo di oro, balora na mas o menos 250.000 dollar, a desaparece for di e edificio di Polis Hudicial na Zamora Chinchipe, un provincia den sur di Ecuador, den Amazonia. E oro a wordo confisca pa autoridanan na comienso di mei 2025. Segun Diario Cronica, e oro tabata warda den e deposito di Polis Hudicial desde cu el a wordo con-

fisca pa supuesto actividad di mineria ilegal. Despues di verifica e documentonan cu ta certifica su legalidad, Ministerio Publico a emiti e ordo di regreso. Tabata na e momento ey cu a bin descubri cu e oro no tabata tey mas.

E peso exacto di e oro cu falta ta 2.567 kilogram. Oficina di Procurador General a habri un investigacion pa determina kico a

sosode, como cu e ta un activo publico bao di proteccion estatal. E abogado di e doño di e oro, Fernando Gaon, a pidi pa Procurador General investiga e supuesto delito di asociacion criminal, ya cu e ta wordo investiga como ladronicia. Oro a bira un di e vehiculonan principal pa labamento di placa den Latino America. Segun un rapport di FACT, su balor halto, portabilidad y conversion facil den placa cash ta haci esaki sumamente atractivo pa rednan criminal. Contrario na otro mercancia ilegal, oro por wordo comercializa legalmente, permitiendo volumennan grandi di placa ilicito pa drenta e sistema financiero bao di capa di transaccionnan legal.

INTERNACIONAL

NOTICIA FOR DI COLOMBIA

POLIS Y EHERCITO A LIBERA E MILITARNAN


POPAYAN: Tropanan di Tercer Division di Ehercito, den coordinacion cu Polis, a logra di rescata e 57 militarnan cu a wordo secuestra desde Diasabra den e pueblo La Hacienda de El Tambo na departamento di Cauca. Ministerio Publico a indica cu den e accion special aki, nan a logra



gara varios di esnan responsabel pa e secuestro, di 4 sub-oficial y 53 soldat. E operacion pa libera e rehennan a cuminsa mainta trempan na Popayán. Aki a uza un plan pa libera e soldatnan kendenan a wordo secuestra door di e frente Carlos Patiño di e disidencianan di FARC. Gobierno di Colombia a pone un recompensa di 500 milyon Pesos pa por yuda gara e cabezantenan Kevin (conoci como Yovany), y tambe 100 milyon Pesos pa por detene Tabares y tambe Zamora, kendenan ta lidera e frente aki, y cu ta esnan cu a duna ordo pa secuestra e militarnan.

SECUESTRA YIU MUHE DI CONOCIDO MINERO

CUCUTA: Famianan ta desespera y den panico, desde cu e dama hoben Yuliana Lindarte Rolón di 20 año di edad,



a wordo secuestra Diadomingo mainta ora cu e tabata hunto cu su mama na un Finca di famia ta relahando, cual ta situa den pueblo La Mutis, na municipio di Los Patios na departamento Norte

de Santander. Tabata 11:25'or di mainta, cu via di e pida mondi diki patras di nan cas, a drenta sea seis of siete homber fuertemente arma. Bao menaza di morto, nan a domina tur hende na e cas. Nan a rebolea e cas, y gara tur prenda y placa cash cu por a haya. Despues nan a hiba tur hende pa sala, y uno a keda pa vigila nan. Otronan a gara e yiu muhe Yuliana, y a fors'e pa e subi un di e vehiculonan SUV di e famia, y asina a huy di eynan. Despues e resto di hombernan tambe a bay, y asina famia a bati alarma. Yuliana Lindarte ta yiu muhe di un empresario minero, kende ta ausente for di e zona e dianan aki. Yuliana ta mama di un mucha muhe di 3 año. Ora cu ehercito a haya sa di e secuestro, nan a cuminsa yuda busca Yuliana tanto riba caminda como for di halto den Helicopter. Autoridad a hiba e famia pa un lugar mas safe pa sigui cu investigacion.

UN OTRO CHAUFFEUR DI TRUCK A SER MATA

CARTAGENA: Un otro chauffeur di Truck di transporte a wordo mata, y esaki awo si a cuminsa bira algo di pre-ocupacion. Pasobra esaki



a bira e di cuatro chauffeur cu a ser mata den luna di Juni na municipio El Carmen di departamento

Bolivar. E matamentonan aki a socede na El Carmen, cu ta un zona cu semper a wordo afecta door di su historia violento, incluyendo presencia di gruponan arma. Ciudadonan ta sclama pa Husticia, y nan ta spera cu autoridanan lo cuminsa tuma medida pa asina evita cu algo asina sigui ripiti. E ta pone hopi pensa riba e violencia sin fin na final di decada di 1990 y comienso di 2000.

Noticia Internacional

INTERNACIONAL

NOTICIA FOR DI VENEZUELA

MADURO TA PENZA CU AWO NAN TIN MAS CRUDO

CARACAS: President Nicolas Maduro e siman aki a anuncia, cu e reserva di crudo certifica na Venezuela a subi cu 30 porciento. Ademas den e Foro Economico Internacional cu tabatin na St. Petersburg, unda Gobierno di Venezuela a participa, segun Maduro nan a probecha di e chens aki pa expone e potencia di energia cu nan ta dispone di dje, pa asina splica e alianza hunto cu Rusia y e poderosonan di OPEC+. El a bisa cu nan ta sigui traha pa atrae mas inversion, y cu nan ta captando den e desaroyo di petroleo di Venezuela, y aki ya nan ta atrae inversionnan hopi fuerte. Venezuela ya tin e reserva grandi certifica cu a bira 30% mas grandi, pues e pais tin un reserva mucho mas grandi di loke a wordo certifica den pasado. El a splica cu na St. Petersburg nan a haya varios inversionista nobo.



CANDELA GRANDI NA FREEZONE NA PARAGUANA

PUNTO FIJO: Un candela cu a start Dialuna mainta den e Freezone Industrial di Paraguana na municipio Carirubana, a pone mon-ton di personal di Bombero riba pia. Esnan na altura a splica cu e candela a cuminsa debi na un corto circuito den un di e palonan di luz den e Freezone. Chispanan a cuminsa spat, y esaki a cuminsa kima partinan di e lugar na candela, y a yega hasta na e lugar unda ta deposita desperdicio. Tur esaki a cuminsa genera huma preto diki cu a cuminsa spanta esnan cu ta biba cerca, y tambe esnan mas leu cu ta mira e huma diki aki plama debi na biento fuerte. Esnan cu a yuda paga e candela ta funcionarionan di Proteccion Civil, Bomberonan di Carirubana, Bomberonan Aeronautico, Bomberonan di Corpoelec, y asina hunto a logra di paga e candela y evita cu el a sigui expande. Ningun hende a keda herida.



MATA INFLUENCER NET ORA E TABATA "LIVE"

MARACAY: E influencer di social media, Gabriel Sarmiento a wordo mata Dialuna marduga, durante un transmision live riba TikTok. E crimen a socede net ora cu e tabata denuncia e gang peligroso di Tren de Aragua. Parce cu hombernan arma a dreña su cas, net ora e ta transitiendo en vivo. Den e transmision, Gabriel tabata papia di e gruponan manera 'El Tren de Aragua' y 'El Tren del Llano', y tabata menciona e lider criminal 'El Niño Guerrero', ademas di denuncia corrupcion den cuerponan di seguridad na Venezuela. E video a wordo interumpi diripiente, despues di a tende grito y tiro, segun testigonan cu tabata sigui e transmision. Gabriel Sarmiento a bira popular riba social media, unda e ta denuncia inhumanidad y poder di crimen organiza aworaki tur rond di Venezuela.



Tregua entre Israel y Iran: Presidente Irani a confirma "fin di guerra di 12 dia"

TEHRAN: Presidente di Iran, Masoud Pezeshkian a anuncia diamars e "fin di e guerra di 12 dia" despues di atakenan di Israel, den un mensahe pa e nacion publica pa e agencia oficial di noticia IRNA.

"Siguiendo e resistencia heroico di nos gran nacion, kende su determinacion ta haci historia, nos ta presencia e establecimiento di un tregua y e fin di e guerra di 12 dia aki, impone pa e aventura y provocacion di Israel," Pezeshkian a declara. El a gradici e poblacion pa nan resistencia, a reafirma e resolucion di e nacion, y a enfatisa cu "e gran nacion Irani por a resisti y demuestra forza enfrente di agresion stranhero."

Asina tambe, durante un combersacion telefonico cu Prins Heredero Saudi Mohammed bin Salman, e mandatario a expresa e disposicion di Tehran pa resolve su problemanan cu Merca den cuadro di derecho internacional y relacionnan diplomatico, y a reconoce cu dialogo por ta e base pa resolve su diferencianan cu Washington.

E combersacion entre e lidernan di Iran y Saudi Arabia a tuma luga un dia despues cu Donald Trump a anuncia un acuerdo di stop di candela entre Israel y Iran.

E dia prome, via su cuentanan di medionan social, e republicano a anuncia cu ambos nacion "a bay di acuerdo cu un paro di fuego completo y total", cual lo wordo implementa gradualmente durante 24 ora. E medida lo a marca un "FIN oficial" di e guerra, cu a inclui atakenan mericano, israelita y irani riba



sitionan nuclear, militar y civil.

Den e siguiente oranan, e gobierno di Israel a confirma oficialmente cu nan lo respeta e tregua, aunke nan a aclarea cu prome cu esaki a dreña na vigor, nan a lansa un atake "grandi" riba curason di Tehran. Segun un declaracion publica pa e oficina di Prome Minister Benjamin Netanyahu, e ofensiva a tuma luga pa 3:00 a.m., cuatro

ora prome cu e tregua a wordo acorda pa cuminsa pa 7:00 a.m., y a dirigi riba "metanan di e regimen y a elimina centenares di miembro di e forsanan di seguridad Irani."

Iran tambe a lansa un atake di misil contra territorio Israeli poco prome cu e tregua a dreña na vigor, un tabata na ciudad di Be'er Sheva, matando cuatro civil.

Trump riba gastonan di defensa di NATO: "España ta un problema"



WASHINGTON: Presidente di Merca Donald Trump a reitera su yamada diamars pa e miembronan di NATO compromete 5% di nan GDP na defensa y a adverti cu "España ta un problema" den e Alianza, despues di e rechazo di e pais di un aumento nobo di gasto.

"Nan ta hayando problema cu España. Semper tin problema cu España. España no ta di acuerdo. Locual ta

hopi inhusto pa e resto," e mandatario a bisa peridotistanan abordo di Air Force One na caminda pa Den Haag pa participa den e cumbre di lidernan di NATO. Trump, cu siman pasa caba a keha cu España "semper a paga demasiado poco" y "mester paga menos cu e resto", a bisa awe cu e "mester haci algo" pa aumenta e gastonan di defensa den di NATO.

Belize ta insisti di no a duna ningun licencia pa Online Gambling

BELMOPAN: Autoridadnan na Belize, a manda un cantidad di advertencia na diferente Website di Online Gaming, cu ta haci propaganda comosifuera nan tin un licencia obteni di Gobierno di Belize.

“Gobierno di Belize ta informa comunidad di Internet y publico, cu Belize aworaki tin un moratorio di duna licencia di Online Gaming. Resultado di e moratorio aki ta, cu ningun compania di Online Gaming no tin licencia actualmente di Belize pa ta operando. Ademá, por lo pronto ningun licencia lo

wordo duna te proximo aviso,” ta loke Ministerio di Inversion, Reglamento, y Compliance Unit a indica den un boletin.

Nan a bisa cu diferente Website di Online Gaming ta duna informacion falso cu nan tin un licencia di Belize, of ta plamando informacion falso encuanto e licencianan di Online Gaming na Belize.

Nan ta informa publico cu cualkier operacion di Online Gaming na Belize ta wordo regula y tin mester di licencia di Gaming Control Board, segun e Ley di Gaming Control.

Mi no a muri.

Ta p'esey mi no a bisa ayo.

Mi a djis habri mi halanan y bula bay keiro.

Boso a keda atras.

No laga tristesa domina boso.

Keda uni un cu otro pa mi alma, esey lo ta un alegria.

Recorda mi cu hopi amor.

Cu dolor na nos curason pero conforme cu boluntad di Dios, nos ta anuncia fayecimento inespera di nos Yiu, Ruman, Nieta, Subrina, Prima y Amiga stima:

**Shaylee Maria
Guillermína Inacio**

***13 Maart 2006**

†22 Juni 2025



Acto di entierro ta tuma lugar Diasabra, 28 di Juni 2025. 2 or pa 4 or di atardi na Ad Patres Funeral Home & Crematory na San Nicolas y despues nos lo sali cu nos defunto stima pa Santana na Sabana Basora.

Oportunidad pa Condolencia lo ta Diabierna, 27 di Juni 2025 na Ad Patres Funeral Home & Crematory na San Nicolas di 7'or pa 9'or di anochi.

Staff y personal di Ad Patres Funeral Home & Crematorium ta extende nos mas profundo condolencia na famia di e fayecida.

Fortaleza di Famia

Diaranson 25 Juni 2025

Dios no ta tolera desobediencia, maldad y mentira, e ta saca tur cos na claridad

Skirbi pa: Pastor Marcel Balootje

Ningun hende no mester gaña su mes y kere cu Dios lo bay di acuerdo cu maldad, pasobra maldad no ta bini di Dios, e no ta den e naturalesa di Dios, Dios ta berdad y berdad ta Dios.

For di principio di mundo, Dios a demostra esey y te e dia di awe, cos no a cambia, pasobra Dios no ta cambia.

Awendia nos ta mira mayornan ta tolera desobediencia di nan yiunan, amigonan ta tolera maldad, coleganan di trabao ta bay di acuerdo pa haci maldad, pero un spiertamento ta bini na nos mes, y ta corda tur hende cu Dios, no ta tolera desobediencia.

Adam y Eva a purba gaña Dios, y nan a worde saca for di hardin di Eden y husticia di Dios a alcansa nan. Moises siendo un lider di e pueblo di Dios, un homber cu Dios tabata papia cune, pa motibo di desobediencia, no a drenta e tera priminti.

Rey David siendo rey a kere cu e por haci locual cu e kier, pero Dios a demostra cu esey no ta posibel, pasobra Dios no ta tolera desobediencia, inhusticia y inmoralidad, y David y henter su Famia a sufri e consecuencia di locual cu e a haci.

Rey Saul tabata desobediente, y e a kere cu si e cana hunto cu e homber di Dios, cu yama Samuel cos lo drecha pe, pero esey no ta berdad, Dios no ta permiti hende sconde tras di su sirbidornan, Dios a expone tur cos y rechasa Saul. (1 Samuel 15:24-25-26-27-28-29).

Rey Nabucodonosor tambe a purba den su orguyo, y desobediencia di reta Dios, y Dios a pone na su lugar, y a demostra cu Dios no ta tolera orguyo, pero Dios ta stima humildad.

Ora un mayor ta mira su yiu ta haci robes, y e ta tolera e maldad, enbes di saca tur cos na cla, e ta haci su mes ciego, e ta duna su yiu forsa pa sigui den su bagamunderia, y e mes ta condena su yiu.

Sacerdote Eli tabata sa di e maldad di su yiunan, e a hala nan atencion, pero disciplina y coreccion no a tuma lugar, e no a kita nan for di caminda nan tabata haci maldad, y esey a causa cu Dios mes kier a mata nan, y nan tur dos a muri riba mesun dia, y Eli tambe ora e a ricibi mal noticia, riba mesun dia tambe a muri. (1 Samuel 2:12-24) (1 Samuel 4:17-18).

Ora e pueblo di Dios (Israel) ta den pica, Dios semper ta hala nan atencion, y pone su husticia riba nan, pasobra Dios no ta haci acepcion di persona, ora nan ta den pica, nan no por enfrenta e enemigo. (Josue 7:5-10-13).

Mescos cu henter un famia por bini dilanti di Dios pa haci un peticion pa un bendicion den tempo di necesidad of sanacion pa un ser keri, henter un famia por bini dilanti di Dios, y arepentí, pidi Dios pordon, confesa pica y drecha relacion cu Dios, y Dios lo scucha y perdona nan pica, y restaura e hogar completo. (2 Cronicanan 7:14) ta e ehempel pa tur pueblo y pa tur hogar.

Nos ta bibando den tempo trabahoso, caminda maldad ta worde scondi, inhusticia ta worde practica, y inmoralidad ta worde celebra.

Adulterio, fornicacion, a bira cos di celebra, ta parce manera hende ta lubida, cu Dios no ta di acuerdo cu e cosnan ey.

Laga nos recorda cu Dios ta Santo, e no ta tolera desobediencia, Dios ta husto.

Pa chica Pos - Habri tuberia y wc. Servicio lihe y confiabel.

Experiencia ta manda

CICLONE

Septic Tank Service

Tel: 564-0607 / 734-0607

TA CHAPI

Corta mata.

Ta tira sushi afo. Nos ta hardineria completo na super bon prijs.

Tel: 569-8003

CONSTRUCCION REMODELACION

Nos ta traha y drecha tur sorto di dak: shingle, eterniet, panchi, zink. Pega bloki, tegels, plafond, pleister, pone porta, lanta cura, basha vloer, construccin di cas y apto bon prijs. Free quotation. **Tel: 561-2137**

HANDYMAN 2025 24/7

Roofing, welding, carpentry, painting maintenance. Nos ta cla pa yudabo. Yama awo: 743-8155 8:00 pa 5:00pm.

TA OFRECE

Pa haci trabao di cas, cuida hende grandi.

Tel: 641-6235

CONSTRUCTION

Pa tur trabao di construction, renoba cas, traha cas, cura, dak, verf, structura, sheetrock, plumbing, coriente, carpinteria. Trabao di calidad y cu garantia. Prijs razonabel. Whatsapp: 593-3141

ASSOCIATED REALTORS

TABENDE
Un cas na Willem de Zwijgerstraat/ San Nicolas di 3 camber y 1 baño, construi 152 m², tereno propiedad di 540 m², den un area keto y pa Afl.440.000,00. Yama Mito na 593-6318

AANGEBODEN

Mne verpleegkundige met veel ervaring beschikbaar. **Tel: 563-8294**

TA OFRECE

broeder cu hopi experiencia. **Tel: 563-8294**

PROMASTER

Pa laba tapijt, sofa, tur matras. 99% desinfecta. **Tel: 582-0383 / 593-3538** Leslie Maduro

DIARIO

Pa noticia, cumpleaños, comentario, redaccion: **noticia@diario.aw**

Tel: 582-6747



Directie Voogdijraad

Directie Voogdijraad kier a anuncia fayecimento di

Sr. Freddy G. Croes

Tata di nos colega sra. Mayra Erasmus

Oportunidad pa condolencia lo ta diaranzon 25 juni 2025 di 7'or pm pa 9'or pm na Royal Funeral Home.

Acto di entierro lo tuma lugar diahuebs 26 juni 2025 di 9am pa 11am na Iglesia di Dios, Hooiberg 29-H.

Nos ta desea Mayra y henter famia hopi forsa den e momentonan dificil aki, di parti di directie y personal di Directie Voogdijraad.

Cu profundo tristesa Horacio Oduber Hospital a tuma nota di fayecimento di:

Alejandro Chaljub

Tata di nos colega Charlissa Chaljub di departamento Hoteldienst.

HOH ta desea Charlissa y demas famia hopi forsa den e momentonan dificil aki.

Cu Dios duna e defunto sosiego eterno.



Minister Cicilia durante PAMAC 2025:

Stakeholdernan ta considera Aruba un partner strategico y importante di industria di Crucero

ORANJESTAD (AAN): Diaranson mainta a continua cu e reunionnan di PAMAC 2025 na Aruba. Tabatin un reunion general entre e ehecutivonan di e industria di crucero. P'e ocasion aki, Minister di Turismo, mr. Wendrick Cicilia a hiba un discurso masha elocuente n'e topnan

di e industria.

E mandatario a inicia bisando cu e ta sumamente orguyoso pa ta presente n'e conferencia di PAMAC. E ta inspira di mira e tantisimo interes di e sector pa tin un compromiso cu pais Aruba. E industria intencionalmente ta scoge pa tin un relacion di

trabou cu nos. A hiba varios combersacion durante e ultimo dianan tras di lomba.

Locual cu e minister por resumi entre e serie di combersacion- y reunionnan, ta cu: e 'stakeholders' ta considera Aruba como un partner strategico y importante. Nan ta hasta categorisa nos como

un miembro di famia.

E industria di turismo crucero a contribui grandemente n'e desaroyo di pais. Aruba a ricibi su prome experiencia di crucero cu e linea Voyager cu su barco Libertador sigui pa Tradewinds djei pa Santa Rosa y Santa Paola, tur esaki den e decada di

1950.

Awendia Aruba ta traha di cerca cu e lineanan crucero mas top di mundo. E industria a trancendi den un oportunidad comercial pa nos hendenan y esey ta algo cu mester balora tur dia, Minister Cicilia a expresa.

Nos a compronde e tarea pa cu e compromiso. Ora un barco crucero yega Aruba, e ta cambia bida di hopi hende. For di e comerciantenan na Welcome Plaza, pa e 'tour guides', taxista, restaurant, e tiendanan den Caya Grandi y mas, tur ta sinti e efecto directamente. Pa un periodo tabatin discusion cu Florida-Caribbean Cruise Association (FCCA). Pero a compronde e mensahe y a haci caso tambe. A implenta varios proyecto grandi, entre nan e proyecto di tram, parkeerplaat pa nos 'tour guides' y sin lubida e renobacion completo di nos centro di ciudad.

Como parti di e gobierno nobo, ta e vision pa sigui desaroya Aruba como un destinacion pa satisfice e necesidadnan di e industria di crucero. A ricibi varios inspiracion durante e ultimo dianan, no obstante cu Gabinete AVP-FUTURO tin apenas tres luna den funcion, ya ta trahando pa sigui desaroya nos centro di ciudad. A cuminsa cu eventonan caminda ta integra turismo cu nos comunidad, manera Ban Bek Caya, pero sin lubida Wilhelminastraat cu tambe lo continua di ta un caya cu desaroyo importante pa e vision di nos di centro di ciudad den su totalidad.

A adopta e modelo di un turismo sostenibel, e vision ta p'e sinergia continua tambe cu e industria di crucero. "Nos ta reconfirma nos compromiso cu e industria di crucero. Nos lo sigui inverti den eleva e producto Aruba", asina Minister di Turismo Wendrick Cicilia a termina bisando.

Aurora

Royal Pray

Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, Pa mi bolbe haya forsa". Salmo: 23

Cu tristeza na nos curason, pero conforme cu e voluntad di nos bon Dios, nos ta anuncia fayecimento inespera di:

Sra. Emelda L. Kock-Lopez

Mihor conoci como
Ludwina

*25-04-1960 - † 19-06-2025

Na number di su:

Mayornan: † Martiliano "Cotty" Lopez
Regina "Ina" Lopez-Croes

Esposo: Jacobo "Lino" Kock
Yiu: Jayronn Kock

Rumannan: Edwin "Tinchi" y Cathrina Lopez y famia
Hubert "Ibi" Lopez y famia
Franklin "Frank" Lopez

Sobrina y Sobrinonan:

Emely y Javier Geerman Lopez y famia
Eldwin Lopez (iha) y famia
Cathlyn Lopez
Antonio Lopez y famia

Prima y Primonan y nan famia, Tanta y Omonan y nan famia, Swa y Cuñanan y nan famia, Comer y Compnernan, Amiga y Amigonan, Su bon bisiñanan di semper, Su ex-coleganan di Quick Electrical Services y famia Boekhoudt, Team di Tommy Kock Speed Team.

Demas famia: Lopez, Croes, Kock, Orman, Hoek, Rasmijn, Solognier, Geerman, Tromp, Dirks, Richardson, Wever

Ta keda invita pa acto di condolencia y entiero cual lo tuma lugar Diabierna 27 juni 2025 for di 2or pa 4or di atardi na Aurora Funeral Home y despues pa Santana Pastor Kraanwinkel na Paradera.

Nos disculpa si den nos dolor nos por a lubida un of otro famia.

Nos ta lamenta cu despues di entiero nos no ta ricibi bishita di condolencia na cas.



Aurora

Royal Pray

Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Ki alegria, ora nan a bisa mi: "Ban cas di Señor" I awor, ata mi aki para na bo porta Señor. Salmo 122

Cu hopi tristesa na nos curason, pero conforme cu voluntad di Dios, nos ta anuncia cu a bay laga nos inesperadamente nos ruman, omo & amigo:

Juan Melquiades Hernandis

Mihor conocí como
Candel of Chito

*21-12-1950 - †19-06-2025

Na number di su:

Mayornan:
†Eusebio & †Imelda Hernandis-Geerman

Rumannan:

†Gertruida (Truus) Geerman
†Maria & †Goy Carolina-Hernandis
Mario (Maiky) Hernandis & famia
†Felis (Dichi) & Luisa Hernandis-Croes
Benito (Bibi) Hernandis
Sirio (Siro) Hernandis
Silvia (Flora) Inocencia-Hernandis
Roberto (Nol) & Susana Hernandis-Moreno
Reina Hernandis
Lienchi & †Oscar Rosel-Hernandis

Sobrina- y sobrinonan:

Nivia & Masoud & famia
Evelyn & Michael & famia
Jacky & Greg & famia
Debbie & Casper & famia
Jolanda
Lisette & Roy
Julissa & famia
Franklin & Keyla & famia
Paolo-Pappino & Ilen & famia
Franco & famia
Sulaika & famia
Melissa & famia
Robert & famia
Ramsey & famia
Remy & famia
Randy Ray
Roberto
Jorge
Keoma & famia
Kristy
Etienne
Stephanie

Sobre subrina- & sobrinanan, en especial: Arwin, Yalda, Dytchell, Dasha, Gillian, Ilién, Anna, Vitali, Quillian, Kaela, K-Ann y demás sobre subrina- & sobrinanan

Tur su prima- y primonan

Bisiña pega: Freddy & Betty Helder y famia

Tur su amiga- & amigonan, en especial: Abigail Werleman (Aby), Lorenzo Dirks (Buchi), Luis Lares, Nestor Leon, Haligan Riley, y demás amigonan & conocirnan

Demas famia: Hernandis, Geerman, Carolina, Inocencia, Riley, Rosel, Moreno, Latham, Doolabi, Dubero, Thijs, Laclé, Croes, Bareño, van Grinsven, Hernandes, Werleman, Wever, Wernet, Ras, Adonis, Henriquez, Curiel y demás famia

Ta invita pa asisti na e acto di entiero cual lo tuma lugar diaranson 25 di Juni 2025 na misa Inmaculada Concepcion na Sta. Cruz di 2'or pa 4'or di atardi, después saliendo pa Santana Santa Maria na Sta. Cruz. E restonan mortal di nos defunto stima lo ta reposa for di 2'or di atardi na misa Inmaculada Concepcion na Sta. Cruz.

Ta duel nos pero después di entiero no ta ricibi bishita di condolencia na cas. Nos disculpa si nos por a lubida un of otro famia den nos tristeza.



VIP WEEKEND EVENT

HOME & NATURE

**15%
OFF**
CASH WHOLE STORE

26TH TILL 28TH JUNE

OPEN TILL 7 PM, PAY IN 3 IS ALSO AVAILABLE
ENJOY WINE AND CHEESE DURING THESE DAYS WHILE SHOPPING

SHOP NOW
PAY LATER

OPENING HOURS:
26TH TILL 28TH
9AM - 7PM

AMC UNICON MEGASTORE
L.G. SMITH BLVD 144 ORANJESTAD

TEL: 521-1188 567-6569
WWW.HOMEADNNATUREARUBA.COM

